


文庫類函  
近六十八之七十



漢書門類			
四	八	四	一
冊	函	號	架

內閣文庫			
三	二	四	漢
冊	函	號	書
六	四	八	類
冊	函	架	類

內閣文庫			
番號	漢	11400	
冊數	48	(	36)
函號	364		52



綴じ部(喉部分)の文字など開きが不鮮明な箇所あり



啓雋近體卷六十八

類函八十一

東吳俞安期羨長彙編

上饒王嗣經曰常同輯



建武鄧漢遠遊訂定

給諫部二〇行  
賀初擢

賀許甸田長科啓兵科轉長

明萬世德

明綸渙發賢俊陞班葳蕤豹尾之間又幸論思之有  
地突兀龍頭之近豈憂補闕之回天光動黃扉聲傳  
滄海竊以國家仕途之要原有專官朝廷言路之迪  
無如今日况當四方之多事豈可兩省之幾虛爪牙



啓雋近體卷六十八



櫻百姓之膏脂狼豺塞路掘鑿震九州之陵谷寇盜  
彌山不有正人誰當寧論但少存一時之忌諱是允  
作百世之嘉猷天子曰是而諫官曰非固是立朝之  
正論君子所恃而小人所畏實爲定國之本根恭惟  
某官節由天植忠結主知包山海之靈光獻納又需  
于鳴鳳峻岩廊之繩準澄清豈必于批鱗正當落落  
難合之時急登侃侃不阿之彥肆揚詔綽豈獨契簡  
識之宸衷舞抃廷紳業已屬轉移之天意某領官戎  
闕留戍价藩驚東海之波濤竊倚漢庭之極諫對西  
山之爽氣暫從周甸以分猷馳削鴻書遙陳騎省

賀省中諸公拜除命啓

明萬世德

孚號帝廷簡榮僊掖登闕久格忽開霽于聖明就陟  
同陞實眷隆于賢哲歡騰補袞慶洽轉圜竊以骨鯁  
之臣不以治朝而少批鱗之士雖遇聖主猶賴賢臣  
故河北之盜易平每朋黨之是慮而淮南之謀旣寢  
遂顛直之已踈是關治亂安危之機實由出處升沈  
之會茲蓋伏遇某官德由天厚忠結主知納牖側門  
無非經國家之要務明目張膽總是愛君父之遠猷  
惟時事之多乖致正人之短氣諤諤自矢豈非立仗  
之鳴落落難諧竟致空庭之去衆方表揚其風采公



獨慎重其轉移四海仰瞻信中流之砥柱一人倚毗  
真列辟之儀刑某久歷荒邊量移窮海抗旌擊楫每  
願朝廷之有人出綽賜環今見忠良之遇主一函抒  
素片語無當已見孤忠何敢上諫臣之論行看獨斷  
但可頌聖德之詩

賀東鰲掌科啓

明萬世德

紫垣渙號青瑣陞班衆望所歸展辰猷而悟主左曹  
特署榮夕拜以朝天恭惟某官擎天一柱駕海六鰲  
忠言契于九重豈直犯宰相之怒直節高于四海不  
獨分君父之憂當落落難合之時有侃侃不阿之節

鑿坡置對何忝批勅之李藩仙掖顯名直是回天之  
女素其抗旌海外秉籌師中每瞻風采于東臺雅資  
卓識忽奉除書于下國喜見殊遷從茲議論之可循  
奚慮激揚之無執采山釣水祇欣燕賀之趨蹌愛日  
披雲不計鳳池之唐突以茲稱賀不盡悽懷

賀行取給諫啓

明史鴻修

渙綉彤闈熙世際從龍之盛晉班青瑣朝陽聽鳴鳳  
之祥司獻納而位逼雲霄振高華而榮聯日月八表  
彈冠相慶百僚欽衽欽承恭惟某官擎天柱石濟世  
經綸鍾聖瑞以麟游應清朝之昌運奮宏圖而鵬舉



表東海之大風窺玉檢于秦函黼弗檀千秋峻業聆  
金絲于孔壁衣鉢得萬古真傳偉節嶙峋儼然泰山  
之長群嶽英標煜燁煥乎北斗之應薇垣彝鼎聲宏  
履金閨而振采鑑衡望重秉丹筆以明刑直比朱絃  
佇聞補闕拾遺之義高同金掌卽看批勅還詔之風  
明四目達四聰喜言路宏開曠蕩奏十思陳十漸知  
世道坐致昇平其拙類鳩棲任慚蚊負夙荷鴻鈞之  
鑄未懷覆露於二天恭覩新渥之熒煌竊慶明良於  
千載龍鱗日繞快瞻捧日英猷雉尾雲高竊仰垂雲  
鉅蔭寅卣展悃莫效鳧趨于墨颺言敢申燕賀伏惟

台瞻局鑿崑瞻

賀胡給諫啓

由庶吉士

明王焯

黃門授簡五言重出納之司青瑣持衡一字凜春秋  
之義諫行言聽膏澤可下于民補袞拾遺進退得然  
其信恭惟某官才鍾曠代品冠人倫產自長沙孕丹  
砂而作骨宅瀕湘水畜秋水以爲神射策南宮抽玉  
洞金函之奧掌書中秘正赤文綠字之訛解結而泣  
鬼神旣勝徃任排雲而叫閶闔趣晉令官白簡飛霜  
封事褫奸袞之魄青蒲直日班行覲咫尺之顏臣哉  
鄰鄰哉臣式作股肱耳目道殉身身殉道睹爲麟鳳



龜龍其分忝同鄉喜爲不寐情嚴禮斗心比懸旌聊  
伸燕賀之私用達魚箋之貢第願揚清激濁顯文定  
之家風播誦賡歌鑄吾君於明聖

賀工科馬給諫啓

明李朴代

諫逆龍鱗忠膽夙懸日月恩頒鳳闕榮名新布巖廊  
慶溢簪紳歡騰朝野恭惟某官靈儲嶽秀瑞應斗躔  
茹古含今胸內包羅千載摘華發藻筆頭絢耀三春  
望高青瑣之朝班寵赫黃扉之侍從國是日以旋轉  
波流惟所主持凡竊餘光切承垂照某才同溝斷職  
愧觀風北斗泰山久已傾于高第喬林巨厦茲更注  
夫崇臺莫罄賀忱祇修候楮嶺高鴈塞繫咫尺之鴻  
書情遠見飛切楓宸之鷺序

賀項都諫啓

明李國祥

騎省升華夙著杭蒲之直龍燁渙汗益崇補衮之階  
望重朝端歡騰海內恭惟某官鴻猷蓋代厚德鎮浮  
節槩嶙峋峙泰衡於寰宇靈襟澄徹涵玉鑑於冰壺  
屢徵雉狎之祥隻立鳳鳴之地皂囊露奏橫批驪頰  
逆鱗白簡風生盡瀝葵衷殷血熟數權徵之利害恒  
防剝肉以醫瘡極言進退之忠邪惟欲滋苗而去莠  
庶察惕慮明主改容爰簡正人樹標箴尹復見鄭公



塞謬佇看山甫之登庸某披拂流風沾濡湛露觀雲  
達之鴻漸省躍弗禁嗟海濙之聶維鳧飛莫效肅陳  
竿牘遙輸燕喜微棕附獻台垣仰覩龍光燦炤

賀主考

賀舒掌科王考廣東啟

明吳之鵬

諫著蜚英夙抱知人之譽試闈選雋允符得士之稱  
增艷色于簪纓合歡聲于海宇恭惟某官楚材檀壑  
郢枝超倫持正言公議于朝廷昂抑之權衡既定運  
聰聽達觀于禁闈妍媸之藻鑑尤精適緣大比賓興  
遂致崇推師錫楓宸遣拜由近列以蒞遐陬棘院題  
評出獨裁而參衆論直然後舉共誇司直之準繩賢  
莫或遺筭羨招賢之羅網三江異種隨波並徹龍門  
五嶺芳葩乘霧交登蟾窟休哉聖世右文之會偉矣



明時展采之期某係後西陲傾懷北斗依依葵惻瑣瑣芹誠

賀周給諫主誠啓

明許以忠

視諫草於殿廷北極煥斗牛之氣總文衡於吳越中  
天騰奎壁之光泰運弘開歡聲不沸恭惟某官先覺  
洪都後身公旦詞源浩漾洞庭彭蠡同流德望崢嶸  
匡嶽廬山並聳蚤茂循良於赤縣遂隆顯秩於黃門  
總司棘院暫離楓宸水壺照徹珠無滄海之遺玉尺  
裁成殼盡英雄之入闔闔風雲動色門墻桃李交輝  
某瑣尾庸才折腰俗吏聞籍收多士大爲鹿宴者歡  
呼柰匏守一官莫獲龍登而喜躍

賀生辰

賀胡給事生辰啓

明馬朴

黃門望重茂弘補袞之猷紫氣祥開適際懸弧之旦  
東華益筭南極騰光恭惟某官華嶽標奇秦川毓秀  
瑤琴綺瑟和平瑞世之音玉尺金莖灑落絕塵之韻  
璽徵鳧鳥筆珥螭墀一疏辨姦少日老泉之氣識條  
論事平生小范之精神茲當永夏之辰適屆長春之  
節省垣瑣闈遙添滄海之一籌蓬矢桑弧丕絢紫微  
之五色玉書吐燄繡紱生輝一代黑頭佇作揀時宰  
相萬年黃髮永爲壽國元臣某久依瑞霽之昭回快



觀壽星之燦爛無緣縮地有意呼嵩謹馳不斐之辭  
聊上無文之敬

賀余瑤圃司諫生辰啓

明許以忠

鳳鳴瑣闥九霄揚盛治之音  
鶴放金籠百歲應遐齡  
之祝歡騰朝野慶躍門墻  
恭惟某官宸衷眷注公望  
顯昂特頒丹詔以徵賢  
遂陟黃門而司諫甫見立朝  
正色咸驚批勅精忠頃屈  
季春恭逢初度冀飄廿四  
應汾陽歷考之先聲桃獻  
三千見曼倩殷勤之雅意  
補聖朝而無闕開壽域以  
收春欣逢今日喜倍群情  
永命祈天願絳縣老人之  
筭颺言頌德之色絲幼婦之辭

賀元旦

賀施正言元旦啓

宋李廷忠

星回天而改歲人事肇新  
陽奏地而發春物情胥悅  
允屬老成之彥慶逢亨泰  
之辰恭惟某官懿德中閔  
鉅才旁暢妙五色之線聖  
主有賴於彌縫堅百鍊之  
金邪士莫當於鋒銳三陽  
茂對五福具綏既能掛白  
獸以獻讜言行見轉洪鴻  
而參大化某坐縻一障託  
芑萬楹登君子之堂莫陪  
於賀履飾小夫之櫝敢贊  
於頌言



其萬世登茲下之堂莫剖飲賢與爵小夫之賈郊  
糴以糴藟言行只轉共對而參大計其坐樂一章  
金帶士莫當公難幾三則英惟正辭具慈到誦博白  
雖下寺對以正色之懸望主有陳飲爾然望百懸之  
必靈其功之姿惠養亨泰之氣恭對其官繼濟中國  
星回天而效燕人車肇燕則奏此而發春時對賢  
賢誠五言示日對 宋李我忠

賀端午

賀北科端午啓

明董應舉

招搖指午芒燦絳天爵德賞功曾聞夏令薦衣賜縷  
尚想唐風矧茲熙盛之朝姤此陰陽之會武成慶宴  
先沾侍從之臣洛水寶圖忽見朱明之瑞出金盤而  
射粉藹玉殿之訝薰李泌獻身美忠猷之素著伏伽  
引諍凜正氣之長伸信粹天和寅承日德乾坤大寤  
廓六合於心神術業宣平應重離於九五屹若表時  
之脩景綽為壽國之朱絲某等望斗北辰托乘南國  
三山二水依然舄履之猶存四事六聯赫矣典刑之



具在聊修不腆上瀆清嚴馳戀之私非言可旣

賀冬至

賀施正言冬至啓

宋李廷忠

玉曆紀元月臨天統土圭測景日在斗綱茲逢陽德  
之升實爲君子之慶恭惟某官三代遺直一時老成  
方朝禮未知得李勉而尊矣如衮職有闕賴山甫而  
補之慷慨諫紙之陳從容經幄之侍亨辰茂對嘉祉  
具綏屬當正人得路之秋行踐上宰調元之任其一  
麾所繫數仞莫登不腆竿牘之誠聊同履襪之獻

賀王給事冬至啓

宋李 劉

陽德出子而孽地氣上騰善類觀復之亨天休茲至



恭惟其官沈潛剛克消息時偕手縮袖間復添補袞  
之線春回井底已驗浮緹之灰對此令辰宜其遐福  
某適拘旅瑣莫綴賀綦鳴鳳聽角應九天之詔下拂  
龜端策驗七日之朋來

上

上鄭給事啓

求薦

宋王邁

諾仕京畿爲碧油幢之下吏主盟寒峻有青瑣闥之  
正人昔薦墨之未乾今師門之孔邇倉皇告乏俯伏  
投誠竊以貴賤之分固殊氣分之投亦寡君乘車我  
戴笠命實不猶子鼓瑟王好竿物難苟合焉有如夕  
郎之貴顯尚猶記暮子之姓名吹噓已送於上天植  
立且期於異日俯念梁園之末至曲爲材館之先容  
如許殷勤實難勝荷伏念某晚竊一第繼罹百憂頭  
顛如許而心自憐髀肉已消而名未立豈不汲汲於



仕胡為遲遲其行蓋回思捧檄之時哺烏望絕况未  
有磨門之嗣砥礪情鍾加之聚糧之難重以負薪之  
疾何其久也止或尼之駑馬頗困於脩程今方稅駕  
去燕來尋於舊壘好為捲簾茲蓋伏遇某官古大臣  
之盛心新天子之舊學黃扉丹地稟社公封駁之詞  
廣廈細旃負范相溫純之氣結知密勿跬步登庸尊  
主庶民以存心用闡宗社薦賢報國必有後慶衍子  
孫某是以不願出於他門惟函投於大造一力成就  
三生遭逢桃李無言所望先華而後實松筠有節誓  
當老壯以窮堅

上朱諫議啓

明吳守道

錦繡班聯正色立羣僚之表袞裳職補宗功起四海  
之瞻震直聲於朝廷晉崇階於台鼎情深舞蹈心切  
攀依恭惟某官昂箕毓瑞海嶽鍾奇肖出神明聯寶  
牒天潢鴻派家承文獻嗣考亭正學淵源選妙清華  
司存獻納持正議以定國是扶公論以振朝綱風動  
坳螭一䟽落奸人之膽朝陽鳴鳳片言寤明主之心  
至重完圭才優秉軸黃麻大拜廣明良喜起之歌紫  
閣迅登熙亮采惠時之載某甕牖腐儒門墻下士藝  
課弟子員首膺獎拔政告新令尹齒及姓名比圖奮



志以酬知顧坐垂翅以增忸敗兵憤氣覲牧一洗之  
功寒士歡顏竊仰萬間之庇

上給諫啓

明李國禎

四匪含忠宿望風銷群枉兩班履潔昌言日照孤忠  
戟架已滿棲烏瑣署暫留廻馬快聞鯁論歡登鸚表  
恭惟某宮大呂九鼎之器明堂一柱之材六合資潤  
於筆端九品定稱平舌表胸中湛鏡照穢吏之百奸  
肘後奇方起疲民于九殞力扶公論勁節愈勁于批  
鱗剖當帝心直氣益直于射馬由斗坡以登樞極升  
鼎席而踐台衡安庸百奏之空陳不俟七年之久滯

某志雖語上才不逮中製錦雖同難步塵于潘花  
柳憑熊四境鮮得譽于廉袴龔乃一念拳拳雖對上  
穹而無愧三年悶悶實占下考以自書詎山納數藏  
竊有包荒之賴致綆垂屢托幸無葑菲之遺恐玷品  
題亦思砥礪矧近依棠蔭思沾被及于昔時且新占  
李蹊幸承卯翼於今日即乏絕塵之分軼終歸景化  
之陶鎔

上朱掌科啓請卹

明林世吉

拾遺紫闥特資補袞鴻猷納誨青蒲茂著牽裾鯁直  
喜諫行于九陛欣澤沛乎八紘光溢冠紳福禔宗社



恭惟其官瑞肇龍圖祥昭麟紱適際重熙景運獨鍾  
名世真儒才學淵涵抉魯壁孔壇之奧秘操持嶽峙  
挺蒼松翠柏之貞姿早驥首于天衢遂翮苞于雲路  
品高輿望忠簡帝心方瞻百里之雉馴快覩九霄之  
鴻漸遙班鵷序葱珩炫玉筍之霞亮采螭頭艾綬映  
金莖之月曉簪白筆披陳盡敬天法祖茲謨夕貢皂  
囊啓沃悉節用愛人讜論捧星辰于閭闔黼黻堯裳  
侍日月于蓬萊羽儀漢殿蒼生待爲霖雨冠紳仰若  
泰山想糾繆繩愆暫倚弼違于丹地調元贊化佇咨  
作相于黃扉其寢苦苦生投荒病骨憶昔星源假道  
曾叨屣履之賙自歸越嶠荷鋤遂缺楮毫之候每望  
門墻而刻骨載歌瓊玖以增慚茲肅勒乎苔箋敬徂  
忱于梧掖更抒孝思于哀蓼惠徽仁念以噓枯跂金  
綵之龍光倘賁九京而渙渥效玉環之雀報矢圖百  
世以銜恩

上梅掌科啓

請卹  
典

明林世吉

玉署升華夙擅珪璋之選瑣闥渙渥特資繩紃之謨  
慶溢楓墀先生梧掖恭惟其官奎壁儲精瀟湘誕瑞  
學宗緗縹咀六藝之芳腴詞燦瓊瑤敷兩都之藻績  
德器霽夏瑚商璉貞操挺翠栢蒼松早鴻漸于亨衢



遂龍驤于秘館麟臺起草青藜炫銀管以騰輝虎觀  
抽書紅藥映瑤編而吐色僉曰常吉乃金閨之彥方  
資綸閣以儲才帝謂侍中聯玉筍之班俾直黼宸而  
廸德上星辰于闔闔武接夔龍踐雲氣于蓬萊身依  
旒冕造班鴈序亮采螭頭皂囊日貢非堯舜之道不  
陳于前白簡霜飛竭伊傅之忠以事其上回天抒讜  
論霑膏澤以禔福生靈報國矢丹心抒謀猷以奠安  
宗社屹爾清朝之柱石巍然昭代之羽儀想獻替伏  
青蒲黼黻暫資乎補袞調元登紫閣鹽梅佇畀以和  
羹某念先世三塵史局敢云蠅附乎通家愧下走獨  
屏窮陬莫遂見趨于函丈茲猶忱于魚素敬冒瀆乎  
龍門更抒陟屺之哀情惠微掩齒之仁念叩闥陳懇  
疏倘蒙鴻造以吹噓錫兆渙恩綸矢結蛇銜而報答  
統祈電燭曷任巖瞻

上張掌科啓 請卹典

明林世吉

弼違紫殿夙遴骨鯁之精忠補闕彤庭特畀斗山之  
哲彥蓋欲藉箴規于梧掖故用資獻替于楓宸恭惟  
其官德粹珪璋望高鼎鉉發扶輿間氣獨鍾黼黻之  
才炳海岱英靈茂闡淵源之學貞操特立峙鐵壁于  
朝端正色不阿振霜稜于宇內早鸞騫于天路遂鴻



漸于雲達竭節匡時陳臯禹之謨以事其上披肝許  
國非堯舜之道不陳于前玉筍代工煮爐煙散馥金  
壘傑直映霞彩騰輝巍然昭代羽儀屹爾人倫冠冕  
想蠅愆糾繆爰資啓沃于卅闡贊化調元佇昇平章  
於黃閣某枕苦苦生緯蕭末品瞻龍門之縹緲夙忝  
樞趨柰燕塞之阻修徒深景企茲徂忱于蕪牘敬奏  
記乎台垣更抒哀痛于折夔惠徼仁茲于賑麥倘獲  
渙鸞書以頒霄漢賁九地而耀斧封敢不鑄鴻造于  
肺肝戴二天而圖環報

通

通祝給事啓

明陸應川

妙簡彤宸峻躋青瑣孔殲有諫臣體獨推評隲之公  
留侯爲帝者師更罄緝熙之益善類相慶斯文愈尊  
恭惟某官北斗星樞南州雲錦追兩都之製作與三  
代之英遊頃因宸札榮拜夕郎周旋豹尾方興陽德  
之方亨左右螭頭最喜天顏之最近柔不茹剛不吐  
復見殿上虎之風言必聽諫必行盡洗仗下馬之習  
論事則義形于色不妨于魯直之題臨機則膽大於  
身無愧于蕙章之號耿耿赤心士暫時著侍臣之冠



堂堂黑頭公指日補天子之袞其關決無庸知憐最  
又聳聞涵養于公台之器喜見徊翔于侍從之班晝  
日承恩已喜枌榆之可托春風轉律自期桃李之成  
陰

候

候揚澹我給事啓

明蔡復一

夜燃藜火作賦摩白玉之堂夕拜瑣門諫書動黃金  
之殿此侍從推為極選朝廷待以加尊而葵久表於  
赤心薪尚沈於除日蓋惟得人之重是以進賢之難  
鯤將化鵬已逾六月鳥有鳴鳳何必三年外廷交章  
彌表師虞之允當寧獨斷武造言路之開方且近天  
子以拾遺彌縫袞職隨宰臣而奏事潤色台符海內  
共推真諫官關西無愧楊夫子矣豈若淳于進說之  
晚喻天帝於楚王曼倩待詔之初戲侏儒於漢署荔



枝之魁後熟行冠七閩芷蘭之味遙通詎睽九畹敢  
修函訊側聽疏傳

候胡掌科啓

明王兆雲

黃扉地峻近依龍宸之光青瑣職崇頻折螭頭之檻  
一人耳目攸關百辟儀刑是賴恭惟某官人推名世  
天挺鉅公譽望素震燕臺簡拔遂班鸞掖排雲叫閭  
闔皆論思獻納之公披腹呈琅玕悉宗社生靈之計  
丰采已聞於薄海糾彈不避乎大僚李叔翰批勅之  
風今再見矣張元素回天之力不是過也眷渥攸崇  
鼎衡虛席某曳裾藩邸曾蒙清盼之加迴睇台垣已

在層霄之上雖光風霽月恒勤夢寐之懷而春樹暮  
雲祇切瞻依之念敢齋心而展候爰盥手以具函

候司諫啓

明張應泰

萬里雲霄早欣附翼九重河漢時及流波在王臣豈  
有私夷顧君子常能過愛恭惟某官冰壺瑩宇竹箭  
貞姿衣授五時分上台之揖讓筆移雙管動中禁之  
光輝望清班已隔于雲泥念舊好猶同乎肝膽曩嘗  
脩刻竟遠台顏比乃出疆終違面命惟斯積悃實蚤  
夜以中藏撫彼流光忽暑寒之遂易三年待罪懼貽  
覆餗之羞百里非材獨賴嘘枯之惠彼希光于東壁



自屬貧嫠若激水于西江寧憂涸轍仰思丰采時迂  
大休無俟祝稱伏惟珍攝

候晏都諫啓

明吳明郊

職補袞龍佩皂囊而瞻王氣威揚冠豸立青瑣而壯  
大威敬申竿牘彳亍難任心旌曳曳恭惟台臺靈鍾  
五曜彩煥九苞輔世匡時遠騰光于華林秀谷含今  
茹古曾搖秘于金櫃石渠蚤揚明允之聲仁披蓮幕  
旋試度支之任望著板曹捧紫詔而應徵求伏青蒲  
而稱諫議讜言日進一時帝重批鱗蹇諤風高四海  
人欽鳴鳳爐香飄闔闔輕搖玉珮以晨趨月色映蓬

萊獨對金鑾而夕奏已補聖朝于無闕御柱題勳預  
知宰相之有徵紗籠瑞應歡生函一美頌留都某景  
仰龍光夙欽先達續攀貂尾妄爾後塵邀靈脫穎于  
程門後先立雪竊願執鞭于晏符昕夕披雲第恨匏  
繫四明薄書旁午空有情隨一水剡櫓未申惟踈節  
以招尤特馳函而贖譴冀垂茹納實切屏營

候高給事啓

明王鳴鶴

恭惟台臺伏蒲忠藎補袞宏猷言路方開共仰朝陽  
之鳴鳳嘉謨乃告克贊景運之飛龍儼然耳目之司  
良哉股肱之寄况留都稱根本之地機務爲先而禁



垣總樞筦之權經略是賴累疏陳軍國之大計孤忠定社稷之永圖九法得以振揚萬機因而無缺早躋鼎輔洊沐宸恩某自慙介冑之流敢曰鄉閭之末向役南都仰叨嘘拂今移東粵總屬提攜感激在心圖報何日茲當受事之初敢布謝申之款

候張兵科都諫啓

明施德政

掖近黃樞獻納從避馬之路曹連紫禁糾繩接珥貂之臣綸綍載揚紳綏交慶恭惟某官直方而大清任以和夙擅詞章譽卓冠於漢殿更深經術命初試於皇華特副簡求遙振九苞之鳳兩司衡鑑爰咨六轡

之駟雖貴竹行有吹嗟在西江不輕進取咸資掄擇務在得賢掌握貔貅玉帳凜風霜之氣廟堂談笑金符依奎壁之輝夕奉天書晨趨瑣闥為臣期止于敬時有陳善閉邪之心事君能致其身幾見明目張膽之疏如將道古今而譽德正可紀簡冊以垂功益懋弼諧自參有密其強名屬籍重任匪才猶金在鎔是全藉一陶之造若早作雨諒欲遂萬物之宜遙仰龍光敬函鱗羽祗厯瞻斗莫副樞衣伏願諫草與日月爭光忠輸骨鯁君臣若魚水相得勛勒旂常

候丘給舍啓

明施德政



帝德罔愆益重弼違之佐綸言有喜專求司直之臣  
寰宇彈冠群工引領恭惟其官受才秀傑秉德純忠  
經世文章著清時之瑞鳳立朝丰采騁千里之神駒  
徂齊獨頌清風出趙能完白璧歸符乙覽職效寅恭  
南斗仰文星雅擅千秋之業西京推夙學允稱百世  
之師鑑徹灑江名高粵嶠坐使魁三應象何異巽二  
生風拜新命於治朝副本兵之重寄清霜初履預戒  
堅冰白日正中恒思景昃肆伐謀於廊廟期清瀚海  
之波早受算於邊疆直捲天山之霧旂常日月帶礪  
山河其材愧梗楠恩徒施于封殖質深頑鈍力久費  
乎陶鎔所藉嘉善而矜不能用人不求其備神馳  
北聊紆燕雀之忱簡勒閩南具致鱗鴻之羽統祈茹  
鑒曷罄翹瞻

候吏科曹掌科啓

明林世吉

班崇瑣闥夙資獻替于九重秩峻天垣兼倚藻衡乎  
百辟蓋寰宇恩霑乎諫澤故黼宸特簡乎儒宗慶溢  
簪紳福禔宗社恭惟其官清廟珪璋人倫冠冕河嶽  
萃千齡間氣特鍾命世之才巖廊挺一代高標蔚負  
匡時之學品高輿望忠結主知峻登玉筍之清班晉  
陟金華之侍從朱鉉比直立螭頭而正色不阿丹筆



輸忠批龍頷而盡言無隱皂囊日貢披陳危明憂盛  
竝謨白簡霜飛條奏激濁揚清讜論聖朝無闕事固  
毋庸排闥以牽裾天子有諍臣然每欲宣猷而折檻  
屹爾昂鉉之望巍然社稷之臣納誨伏青蒲暫借補  
天之力調元登紫閣佇成夾日之功某寒林朽木涸  
轍窮鱗憶道過淮陽曾叨露覆今陸沈越嶠常切巖  
瞻敢修鴈帛微忱上候龍門景福統祈電燭曷任水  
兢

候禮科社公啓

明金璋

旭日千門聖朝喜無闕事陽春一曲仙掖賀有完人  
匪班錦繡之足榮繇寄雷霆而名振狐祥斂跡麟定  
伸眉恭惟某官鳳凰毓其粹鳴彼高岡松栢呈其姿  
挺然獨秀文章無敵手屈宋可作衙官謀斷擅寸衷  
富韓僅堪伴食暫移千萬間之廣廈大庇楚吳邑之  
窮簷民屢號為神明帝遂資以耳目歷螯頭而對策  
玉佩晨搖騫鸞渚以灑衣藤戔月請與宰相並行其  
道先大人潛格君心數罪則不避堯聞辨奸則彌彰  
漢德蓋盛世以千齡而人宗工為三緊之標况陟禮  
垣尤關王室試思天潢之膏血盡吸中涓且令渙汗  
之金鬣無從上控實藉叨闈而請劍庶幾落照于覆  
盆共瞻一諤之鉞璫預卜萬幾之武庫忠良並著伊



呂非遙愧其芻狗甫陳而遽蘇醢雞絕意於發覆曩者惠徼主事得御李君既垂之以阮晴復進之以柳篋拾披腹之餘唾以陳於王若效顰之捧心而駭其里於今畫壑猶帶君子之龍光更冀龍嘘以當越人之鼂式爰借南來之羽肅將北嚮之忱敢哆光寵于交遊亦祈哀收乎菅蒯

候禮科陸公啓

明金璋

司直升聞渙頒宸綍塗歸備問晉陟夕郎風采既動于列雲會通載觀乎咨伯王途相慶藩室同懽恭惟某官文章蟬聯大雅禮樂鸞領中朝李署肇試其英

呂刑邁種厥德環七十八城之民瘼更弊盡屬徙薪彼三百餘奏已次第安排寧忙諫草於是以正直而共推給舍以寅清而參錯秩宗人喜諫議之得君爾有謀猷以告后試觀誰家之赤子咸熙牢享于春臺不謂當依之周親反苦貂璫如夏楚儻七廟之靈未妥意重闈之叩宜先蓋阿閣鳳雛必作朝陽之瑞而渥注龍種豈難立仗之鳴所謂補袞諫官能用儒吾道益者也某圭竇凡流除門中隱貽玷先公玉笋惠徼奕世金蘭借非推愛有二天孰可夷延于五斗卮心如結空咏環雀之醜青瑣無因屢瞻祭鳥之集



道益首出某生實以流斜門中劇頃王夫公王受惠  
至主請蘇首難立封之無所請辭交籍官須用雷音  
妥意重閣之中宜夫蓋回閣鳳雛必非賤則之端而  
不階當亦之周時又苦辟當收夏焚燬十廟之靈未  
育精燭以告曰結贖罪案之志于烈烈率享于春臺  
共鮮命舍以寅青而參詮粹宗入喜藉藉之野昔爾  
效三百篇奏日火策安其寧外轄草芥具以正宜而  
呂氏數軒網斷舞十十人姓之男與吏樂甚盛斷斷

送

送主考給事啓

明吳國倫

恭惟其官推朝著之準繩運鄉闈之衡鑑及期撤棘  
品題聿協公評隨地拔茅登進大揚明試濟濟群雄  
入殼駢駢四牡旋鑣鶴向高空鴻遵遠渚想書遊仙  
里暫披錦袞之華計春到皇都重補袞袍之闕耳目  
與股肱交展聲名緣功實並騰其猥以腐儒漫爲冗  
吏仰上臣事君之偉節當效執鞭懷北道作王之微  
忱莫伸投轄徒挹芳塵而悵望聊攀喬嶽以颺言願  
悉力回天弘濟時艱于天下祈傾心就日未扶世運



于日中

送給諫北上啓

明張壩

班馬驅春六轡發吳山之曉樓船駕浪千艘動牛渚  
 之星睽言馳節逝矣鳴珂恭惟某官赤虹藻翰紫電  
 聲名鵠起南溟矯摩空之綵翮龍驤東國奉芘苑之  
 瓊葩選妙清華上皂囊而露奏司存獻納操白簡以  
 霜飛拾禁闥之遺何慚長孺補衮職之闕並美仲山  
 國是維其倚毗人倫定以品題久虛侍從轉懷日近  
 之思頃就班聯爰發星言之駕某誼附班荆情深樾  
 蔭馬頭執策悵莫慰於前驅道上訶驪懷祗殷於并

謝

謝陞官薦舉

陞太守

宋陸游

貧念代耕之祿懇乞奉祠恩開使過之門復令治郡  
 方窮閭之待盡非公議而疇依慙極駢顏感深雪涕  
 伏念某邇回薄命顛顛餘生肄業荒唐小學僅通於  
 蒼雅屬辭卑弱竒文徒慕於莊騷髮種種以將童心  
 搖搖而欲折食粥動逾於累月陳絺或至於隆冬不  
 能引分以掛冠廉隅已喪更復貪榮於懷綬愧懼可  
 知况此名城今爲近輔九霄嘉氣日未邇於長安千  
 載遺祠星嘗從於帝座孰爲之地使有此行茲蓋伏



遇某官偉量海涵英姿山立衆惡之而必察俯憐久困於風波今老矣而無能尚使少紓於溝壑爲國廣旁求之路示人無終棄之才曾是妄庸曲蒙全獲除書已下徒叨湔洗之恩羸疾益侵無復激昂之日

謝葛給事啓 陸太

宋人

杜門訟六十年之非久安散地起家忝二千石之重忽奉明恩驚釁垢之漸除扶衰殘而下拜伏念某學由病廢仕以罪歸冥心鶴鷺之行投跡雞豚之社海三山之縹緲釣鼈已愧於初心楚七澤之蒼茫殫咒亦成於昨夢但欲負耒慕許行之學豈復叩角歌甯

戚之詩偶逢公朝使過之時躡昇近郡承流之寄所蒙過矣自揆茫然天際鬱葱望九重之雲氣道周蔽芾掃四世之棠陰得遂此行孰爲之地此蓋伏遇某官道本文王之正學師孟氏之醇騰茂實而蜚英聲久隆上眷息邪說而距行誠遂檀儒宗方與萬物而皆春不忍一夫之獨泣某偶偕末契遂借餘光雖飯豆羹藜不敢望功名於老大然書紳銘座尚思復玷缺之艱難

謝臺諫啓 陸官

宋陸游

祈天請命冀循省於窮閭便道之官復馳驅於近甸



始終僥倖俯仰兢慚伏念某鄙朴不材荒唐寡學生  
逢盛際無尺寸之可稱久戍遠方賴斗升而自活昨  
蒙臨遣已劇超途但虞薄祜之難勝寧復異恩之敢  
望未溫坐席遽辱賜環初疑誤報於姓名俄乃真承  
於詔命人才吏事何者粗堪自計旁觀居然不允敢  
謂并包之廣大更令進退之從容此蓋伏遇某官山  
立英資海涵偉量盡言劇論雖震聳於朝端用恕持  
平每保全於士類遂容末路獲忝優除俯伏以思論  
報何所而其昨緣奔走積困沈綿顧影獨悲豈久堪  
於從宦報動不怠尚少贖於空餐

謝侍從臺諫啟

除官

宋李廷忠

立右陛以記言難汗清貫行邊臺而將指更冒優恩  
竊自揆量若爲膺荷伏念某顛愚自用黠淺寡聞三  
十年孤於外官誰爲知己六百石出於上命敢不盡  
言積仇怨而寢深蒙眷簡之特達置之四諫則堪噴  
於汲直列在二史則有愧於遷良俯仰昧桔槔之相  
隨進退懼蒺藜之非據宜從遠屏猶得顯除濡瀆水  
之要津觀風有耀蓬萊山之秘府列職爲高凡此僥  
踰知所歸嚮此蓋伏遇某官受天間氣與日爭光論  
議法座之前洞明國是扈從屬車之後益聳民瞻擊



善類以同升軫危蹤之獨去曲加獎飾復玷使令其  
敢不持守益堅激昂匪懈方此整駒騏之駕少效微  
勞幸嘗則鷓鷯之行尚依餘庇有懷戴荷罔究輸陳

謝周給事啓 到任

宋周必大 代闕

秩二千石於南條方被自天之命付九十符於建業  
誤頒易地之恩觸熱到官消辰視事言念庸虛之質  
又叨獎擢之榮持橐甘泉鼠易窮於五枝擁麾炎海  
馬幾敗於百鈞逮纏風木之悲甫畢苴麻之制驟司  
宮鑰深愧鷄梁茲蓋伏遇某官名冠兩科身兼數器  
屢告辰猷之益峻躋夕拜之聯俯眷孤踪每推餘論  
遂致詔除之寵薦分閫制之嚴坐撫軍民既竊蕭公  
之任兼容獄市願思齊相之風

謝臺諫啓 通判到任

宋李 劉

別洛下之諸生久歸來於茅屋補黔中之上佐偶及  
代於葵丘既滌籥以服勤盍濡毫而貢謝伏念某地  
寒寡挾天巧素慳鹵莽而耕鹵莽而耘已慙學落鼓  
譟以入鼓譟以出更愧名浮頃從文學掌故之聯躡  
綴國子先生之後經筵之嘲未發謗篋之惡已盈鄉  
人不善者惡之成是貝錦相國之賜也大矣止於甌  
吏荏苒三年僥倖二郡軫之旁鷓之尾不惟非螭蟬



之宮丹之穴犀之穎近又築鯨鯢之觀然以非材之  
典午固在協恭而同寅水火弗與百姓交寧須踐別  
風月不用一錢買何必平分伏遇某官道格君心識  
通治體進務閉邪而陳善退思激濁以揚清天豁露  
繁南嶽要聞於鳴鳳冰清霜潔北臺自肅於棲鳥姑  
試治中且游方外某敢不修其可願勉爾當為用且  
何傷正欲不聞於黜陟噤不得用又當且止於吟哦

謝單諫議啓

舉自代

宋呂祖謙

深嚴諫省未嘗一通竿牘之勤焜耀奏函乃有再出  
門闌之幸薦膺瞻獎架切兢慙竊以遇合之難古今  
所共不求而得者始號知己無實而當者亦為欺人  
雅道寢隳公論益奪材無定品以造請之踈數為賢  
愚士失常心以薦揚之多寡為輕重舉賢或蔽於私  
昵冒寵罕聞於自量有開者英力回獎習圖售良於  
公舉未得其真借光寵於寒蹤以明此意謂其適居  
逖遠之地偶無營禱之嫌表而出之庶有從者急於  
諭俗固靡暇於詳求退以省躬亦不容於輕受既辱  
知於絕望之日輒告病於拜恩之辰如其者質本顯  
愚學而固滯酬酢未經於世故寧保端方呻吟不出  
於程文何名該洽乃知恬退尤出虛傳雖潛匿里閭



乏臨政蒞官之考然參稽歲月率居憂待次之年凡  
貫飾於需章悉控陳於前牘舊慙圍棘已傷鑿裁之  
明敢料規蒲重致品題之誤缺然自視稱此實難此  
蓋伏遇某官道峻儒宗望隆壽俊毋推賢而揚善將  
正本以澄源入告謀猷首冠七人之列旁求髦彥衆  
先三日之瞻曾辱庸庸乃叨甄拔其敢不服膺古訓  
嗣守家傳永思義命之常深警悔尤之發於今日褒  
揚之語不為空言庶他年進拜之間少無媿色

謝鄭給事啓

應詔薦  
能才識

宋王 邁

鄉校論文不作華途之夢禁林薦士俄飛青剡之章

誰為之地以使然殆若自天而下者深言淺施重  
報輕伏念某讀書不多合世自寡青衫素髮消磨十  
載之光陰黃卷短檠感慨千年之治亂世道隘甚人  
物眇然父生師教之身為士者鮮知自愛德進言揚  
之舉在上者多及其私遂安分以固窮忍徇人而失  
已敢謂朝廷之法從猶念山澤之臞儒飾散帚以干  
金韻啞鍾於六律謂生涯盃水假之廉介有守之名  
而習氣草茅加以直諒敢為之譽不待借品題之一  
字又將期植立於異時道義合則靡待介紹之求力  
量大則實異他人之薦古之所謂知已詎不其然士



而苟有烈心皆思自奮茲蓋伏遇某官學到聖處氣  
涵天和在韋布之時而有志廟堂爲場屋之文而可  
刊金石自擧芳於巍第卽策足於周行司馬無求功  
名迫而後起敏中大耐官職卽之若無新天子學而  
後臣先皇帝留以遺我談經旃夏陳義格心載筆螭  
坳有文緯國陞華青瓊跬步黃扉監起脊梁自任天  
下之重高着眼力博觀人品之精遂使么微亦叨收  
錄某敢不益鞭厲鈍自勵操修若何報塞於恩私惟  
有堅持於名節此心歸向湜輩安敢叛於師門不日  
登庸安世決無書於政府

謝給諫楊公啓

明馬 朴

瑣闥廉能雅茂持衡之望爽書論最渥承推轂之恩  
吹送上天報稱何地恭惟某官人之水鏡學者斗山  
蚤蜚英譽于桂林高綴魏科于蘭省鳴琴赤縣批勅  
黃門社稷維其倚毗人倫定以品題謂宜參朮而後  
收豈意菲葑之見取其識慚窺管智愧挈瓶吏才咸  
于年荒奚有足國與足民之策公事凜于夕惕徒懷  
理官如理家之心罔裨天閑莫殫地利乃蒙化筆特  
刻薦章濫竽于明時卓異之中誤評以漢世循良之  
重一封奏處大生魚目之光千里傳來頓長馬蹄之



價有慙過舉敢負隆知羅而置幕中敢圖大夫之利  
令其出門下必伸國士之酬銜結有懷敷宣罔既

謝給事蕭公啓 薦舉

明馬 朴

月計廉能黃闥茂持衡之望露章論最朱轡荷推轂  
之榮揚糠粃以送天火煩神力捨榆枋而控地總屬  
化機磨頂奚酬瀝心布謝恭惟某官人倫冠冕世道  
羽儀赤水珠光前後十二乘之朗照青雲鵬翼扶搖  
九萬里之雄圖畿輔掄材天下喜歐陽之正文體瓊  
闈司諫士夫賀仲淹之典封章騰茂上坡升華左省  
竭弼諧于夕拜皆稱天子之有諍臣寓補袞于辰猷

不必聖朝之無闕事詞頭封處幾增日月之光勅尾  
批還不恤雷霆之犯實作敢言之氣匪博解事之名  
迨銜命于巡青益研精于論白考成罔政收芻允賴  
于天閑會計田工墾闢聿開乎地利於稽吏治克重  
官評東箭南金旣拔茅而彙進寸瑕尺朽亦采非之  
不遺如某器陋挈瓶才微拆線即動勸于勸課若拮  
据于輪將亦祗平平有何磊磊不謂濫吹竽之內仍  
叨居褒袞之前甘雨和風大是不虞之譽祥麟威鳳  
尤非可擬之倫如此寵榮其奚稱塞况薦不識面先  
生之古道特隆卽報以漆身國士之殊恩罔極惟有

文獻通考卷六十八



勉修職業斯為少答契知天遠東臺無自樞趨于塔  
城雲橫北斗雅懷蔭庇于門墻感篆心長敷茶喙短

謝徐涵碧勸科啓 送書

明萬世德

瑣闥分光遐陬承命快覩激揚之典鼓敵愾於一時  
煥承優渥之恩拜寵加于三錫竊從山澗奚取瓊玷  
恭惟某官直方光大溫厚和平莽蕩回春特借禁中  
之頗牧儲胥增勝雅須闔外之夔龍乃澄清之令方  
行而蕩平之績已奏鸞臺仙掖共瞻天上之威儀虎  
節龍旌益壯軍前之氣驟乃輜軒之至止先實篚以  
加遺千里風塵遂沾河潤一函書劄得仰山高竊念

某襪線微才韜鈴重寄經營草昧可禪桑土之謀奔  
走戎行益愧藩籬之計雙星是賁六轡為咨師中已  
奉夫壯猷闔外更申乎嚴命紛紛蕩寇即三穴以何  
憑歷歷清戎總百方之安飾第感禮文之盛謬陳將  
獻之微渥矣加筐真是高深於溟嶽睠焉采菲但稱  
標末於涓埃

謝吳掌科啓 招飲

明張沛

龍門屢宴深蒙投轄之情鼠飲難勝遂致接離之倒  
終夕已成噩夢隔朝猶帶餘醺擬趨府而展謝愧恐  
煩興客姑叩門以通啓狀希恕醉人



回答

回龍興程給事啓

由給事以  
監藩司

宋周必大

升華論撰申命蕃宣已跬步於西清尚悒悒於南國  
縉紳喜劇民吏歡騰恭惟某官昭代通儒周行先進  
伏蒲視草凜然風烈之高持節擁麾藉甚威聲之著  
雖再留於榮戟實妙簡於宸旒况甲午之題名有甫  
陽之近事由貼職而候松門之對旋賜環而躋荷橐  
之班遂以歲中參于端右既前政規摹之具在則後  
賢進用以何疑其苟未沐歸深期晤語茲敬酬於公  
禮殊未究於私誠

唐書類函 卷六十八



長江... 雖再留... 光肅... 醫... 長華... 回請... 宋... 大

回答

回請... 宋... 大

由... 大

宋... 大

答張給諫啓

陸太守 賜候問

明田一儁

曩附英遊實邀天幸... 殊能不期袂分... 愈滋無路瞻依... 雲霄詞諧金石... 感也曷諼服之... 屈汲子於東郡... 報政在卽內召... 非遙意難筆宣... 神隨書去

答姜給諫啓

賜書 問

明蔡復一

鳳鳴軒囿方賀景旭於梧桐鴻來楚江忽襲清風於



蘭芷佩而增愧得之若驚恭惟其官獨秀松篁先幾  
著蔡學窮今古曾探幕阜之藏書憂結軍民每誦岳  
樓之記語騷人之賦麗以則振彼希音屈子之志潔  
而芳參諸中道名花已茂潘邑直草宜秀堯庭輿望  
極殷帝俞可卜以奠後之發當塞極之通政事源流  
輕車廿年之熟閱人才涇渭虛鏡十載之靜觀惟元  
氣在躬超然燥濕之外知昌言扶國侃爾旒旒之前  
渙小群而成丘歸皇極以無黨雲霧清廓日月昭回  
允矣虞室之七人豈止宋朝之四諫顧霜威之芘藜藿  
快覩諍臣何露澤之潤粉榆并霑守吏某宿懸斗極

近并星躔慕陶張之勲名才慙追驥瞻夔龍之獻納  
寵訝遺魚願推辰告之猷遵為申令之憲周行可示  
奉大諫以無愆袞職惟修贊太平於有象

回朱掌科啓詢賢

明

恭惟其官青蒲獻替白馬糾愆宅留都丹鳳特鳴婉  
鄭公之三疏望仙臺黃龍頻覲繼忠宣之一人赫彼  
銓衡計期伊邇維茲巡核攷日式遐白簡判玄黃雙  
管閱賢樞寵辱曩分涇渭一封清吏治瑕瑜諫議  
得君言並行於宰相聰明周物詢猶及於芻蕘其灘  
水羈踪石城延睇仰觀日月何勞借焰于秋螢俯獻



蠱蛙竟亦有同於春豹採自汝南之巨用陳建業之

裁

附行取

賀張大尹行取臺諫啓

明朱 錦

琴堂視篆澤垂五嶺之舊民宸座頒麻寵沐九重之  
新命比天引領南國馳神恭惟某官才出鄧林德稱  
和璧熙朝楨榦聖主珪璋寧百里之花封惠政蕩閭  
閻之頌登九天之殿陛恩波承黼黻之光青瑣深嚴  
聯紫薇之日月彤庭獻納凜白簡之風霜五位結知  
三台在望某素餐知懼奉職無能一介冷官荷陽春  
之覆育幾年微屬賴厦屋以併幪侍台範承顏尚憶  
談笑之近望車塵拜別徒懷瞻戀之勤顧小草喬松



難同雨露而神龍蚯蚓自異雲泥日表久違雲緘更  
濶寸心耿耿每切志於龍光萬里區區聊摠誠於燕  
賀是用三薰上牘百拜獻忱伏望量晉包荒鑒蓬心  
而不棄推情念故諒菲才而見容謬思一顧之加或  
免駑駘之誚仰藉二天之庇寧忘十日之私深切冰  
兢俯垂電矚

回行取潘慈谿啓

明許以忠

百里分符赤鳥煥朝飛之彩九重側席紫泥求夢賚  
之賢慶溢華夷歡騰海國恭惟臺下鼎實弘猷斗華  
碩望鵬飛晚水蚤揚冲漢之聲駿市燕山大騁空群

之足欲踐台垣司調燮先從巖邑試循以花滿河陽  
喜潘安以再見詔頒宣室召賈誼而前趨寶馬香車  
預展沙堤之步銓衡諫筆行調玉燭之元同朝交頌  
得賢異域遙思瞻彩其承之新來於甬郡道經舊治  
之并州觀清蔭於甘棠益徵遺愛竊餘輝於維梓頓  
起遐思令儀當表式乎百城雅念詎過勞乎千里顧  
欲披樂霧舉頭漸遠長安乃寵錫郁雲矚目光騰海  
甸良感注存之惠彌深嚮往之私謹附謝函統祈鑒

候行取温公啓

明許以忠

恭惟某官黎國宗髦崑岡瑩質燃犀朗照潛消妖異



之魂觸事敢言驚落權豪之膽  
鬻試長才于參邑遂  
膺內召于楓宸寶馬香車細  
輾沙堤之步錦袍玉佩  
輕搖御道之塵舉朝頌聖主  
之得賢臣天下皆拭目  
而觀新政伏願作舟楫作鹽  
梅作霖雨無虛夢卜之  
求將見書旂常書竹帛書鼎  
彝燹永著弼諧之烈仰需  
天眷俯慰人情某窺管儒生  
濫竽下吏都門雅集疊  
承破格之恩靈府深銜未效  
投桃之報頃乘便羽附  
候行臺及檢侑函物愧一芹  
之菲薄瞻依台座神馳  
九棘之森嚴伏冀海涵庶申  
塵瀝

啓雋近體卷六十九

類函八十一

東吳俞安期羨長彙編

上饒王嗣經曰常同輯

建武鄒 羨遠遊訂定

中書部行人部

賀中書初濯

負婁中書即真啓

宋李廷忠

代言試可錫命為直綸閣下之文書孰踰老手屬車  
問之法從遂正清班一佛現前群公頽服恭惟某官  
國之喬木學者泰山以公輔器見推以先覺之道自  
任孤風特立國人曰賢大夫曰賢直氣敢言君心以



正朝廷以正遠近一以正霜署之威上騰於騎省中書職入散騎省月聯之耀旁照於鳳池自足成一家之言

逐專裁五色之詔昭宣上意動盪群情使深山老癯扶杖以來觀至少年新進閣筆而興歎豈特追盤詰之巨作又能讀丘索之遺書入侍光華併資潤色天子恨見賢之晚儒流豔稽古之榮鼓元氣而雷域中已識詞章之妙幹斗柄以春天下莫量事業之高某投老無庸忍窮有待謂孺子可教矣豈先生欺予哉方進陪翹橐之華尚垂憐簪履之舊敢因顯拜少致頌言王仲文有古風賸喜傳郵之速婁公容以威德

寧嫌賀厦之遲

賀顏中書啓

宋李廷忠

擢登鳳掖就直鼈扉天寵便蕃兼內外絲綸之職地分清切冠左右簪橐之流本朝益尊在野同慶恭惟某官閩山竒寶辟水倫魁從古人中求之為天民先覺者復踐錦窩之署旋升金掌之班俱以大手筆之文章兼此小玉堂之詞命中書為小玉堂豈特盡風雷鼓舞之妙抑有資日月獻納之忠渙敷十行榮佩兩印藥階苔砌驚逸思之湧泉霧閣雲牕承恩華而起草書僮供簡札之不暇藝臣識模範之有歸服在禁聯允



穆僉論宜為帝誥得常揚元白之全才佇秉國鈞奮  
稷契夔龍之遠業某久縻厚粟行解戍瓜雖諸生未  
免於私嘲而要人每為之延譽允階可脫華閥有歸  
逃聞清除頓使懦立念奏記之不敏顧嚮風而敢忘  
窺鳳凰五色之文屬饜已久慰燕雀半生之願賀履  
采勤

賀俞中書啓

宋李廷忠

對揚皇指入代帝言共推海內之一人足當朝廷之  
大典聞公特拜起我懦衷恭惟某官擿藻之恩蛟翔  
而虎躍出塵之姿鵠峙以鸞停繡黻片言鼓舞群動  
上心妙簡自知王其宜為同寮驚嗟亦曰嶠所不及  
三階在望一蹴可登某朝籍有拘賓筵莫旅敢因席  
辱之舊敬致竿牘之私情之所欣言莫能既

賀除中書舍人啓

宋李廷忠

簡自中宸擢居右掖大哉燕許之筆發揮聖謨雅有  
元白之風鼓舞群動朝言胥允禁戶增光恭惟某官  
德粹而行方材宏而識茂自唐虞以來之編簡歷歷  
蟠胸視漢魏而降之文章軒軒獨步涵蓄既富睠知  
亦深快搏風九萬里之程冠登瀛十八人之選將梯  
階於政路資潤色於詞垣氣得中和何止動武夫之



泣地分清切莫非極文士之榮佇需廷告之頒式重  
國成之秉某欣聆除目倍激懦衷身繫魚符借榮光  
而有託神馳鳳閣睹真樣以無從

賀施中書啓

宋陸游

伏審蓬壺清闕早冠群仙之遊詞掖高華旋觀一佛  
之出得人之盛吾道有光恭惟某官秉德醇明宅心  
夷粹高文大冊非復騷人墨客感寓之詞崇論宏言  
盡得宗廟朝廷嚴重之體久矣絕世而獨立固難袖  
手而旁觀况今聖政之新方建太平之業推明天子  
惻怛愛民之指開慰海內奔走嚮化之心德意達於

四夷號令媿乎三代清議所屬匪公而誰且其泉均  
號於從臣而西省獨稱於政本國僑潤色雖槩取儒  
學之長山甫將明必深通天下之務正官名者蓋已  
百祀稱職業者凡有幾人曷乎其難理若有待動心  
駭目自茲觀大手筆之傳削牘濡毫又當慶真學士  
之拜

賀中書舍人啓

宋周必大代鹽司

疏恩禁幄正位綸闈參法從於其泉豈特妙儒臣之  
選敷聖謨於寰海又將為王度之華喜動群工光生  
四戶恭惟某官詞鋒峻拔學殖崇深冠時旄於談笑



之間躋榮路於休明之際自秉螭坳之筆即裁鸞閣  
之文紅藥翻堦昔既勞於久假紫薇伴值茲果慶於  
為真畫三接以方來歲九遷而未艾其外將使指述  
望賓堦雖莫遂於趨陪顧敢稽於贊喜其為欣懌難  
盡名言

賀中書舍人啓

宋周必大 代漕

光膺書贊就正詞垣紅藥蒼苔重詠鳳池之鳴珮青  
春紫綬共觀淮海之俊人除目遠傳輿情胥悅恭惟  
某官材資卓越器範粹清自擢冠於大廷即躡登於  
要路校雙麟省記注螭坳凜然廊廟之姿藉甚簪紳  
之譽五花判事既久兼寓直之榮六押分員宜寵錫  
真除之命恩章特異眷簡彌隆紬繹典謨方且上規  
於姚姒推明德意豈惟近比於常揚諒無歲月之淹  
亟貳機衡之峻某猥參漕輓實賴庇庥逃聞成煥之  
頒阻綴賀賓之列其為欣懌莫究敷陳

代賀葉秘書啓

宋方岳

伏審對敷芝璽論選蓬山楊雄之校秘書恍疑昨夢  
蘇軾之司著作甚稱上心賁然來思升自此矣恭惟  
某官胸吞雲澤手攬斗魁東三傳而抱遺經合是獲  
麟之筆不十年而起徒步遡歸浴鳳之池人皆曰然



恨見之晚其舊親談塵慨想顧犀文不在茲既為吾道之賀君子至止亦寫我心之思

賀黃舍人啓

宋周必大代鹽

親承睿獎入綴從班輟領袖於麟臺振羽儀於螭陛維時在列共慶得人恭惟某官射策宸廷高出群公之右飄纓榮路久遊三館之間旋從封駁之司峻陟師儒之長秋壇絕幕北鄰之好益堅率屬登瀛東壁之星愈煥騫翔滋久名實具孚爰參黃闥之班進珥赤墀之筆賢人之德賢人之業既詳試於朝端王言如絲王言如綸卽序陞於詞禁云

賀中書蘇舍人啓

宋陳同父一作

光膺中詔進直西垣伏惟慶慰恭以某官當世大儒斯民先覺論議為四海之輕重出處繫一時之安危蕭夫子之文章蠻夷亦慕張使君之威望草木猶知始從記注之嚴爰掌絲綸之重茲邪聞命授七飭以自驚忠義承風引壺觴而相慶某猥緣幸會謬接光儀昔者先生嘗蒙論次茲焉伯氏又獲追攀竊聞進拜之崇倍切欣愉之至

賀除中書舍人啓

宋李 劉

裁縫雲霧便直學士之除鼓舞風雷大展舍人之樣



紫微炳煥黃道開明恭惟某官清姿秀骨下獨鶴於雲間厚德長材載六轡於海上心醉六經之醲郁體兼三史之深醇宮家周章宸儀鄭重惟天子之儀範曰制以聖人之情見乎詞扶山東之癯戀漢恩而忍死回河朔之悍存唐祚於幾亡一札可服於隗囂尺書足招於贊普不但取九制一禪之敘亦非專駢四儷六之工俾萬姓咸曰大哉則一字不容易也衣冠盛事夙遵八葉之科翰墨大勛詎止五花之判既敷華而緯國行迪哲以爽邦文章於道未為尊風斯在下矣富貴乃吾所自有時來則為之某頃侍同朝且依鄰壁韓非老子又當同傳公叔大夫詎望同升聞恥納溝亦當推轂上界足官府斷不希鷄犬之仙散人拜江湖願徑入魚蝦之侶

賀少卿除中書啓

宋李 劉

優詔上卿正班內史北門視草謂當進學士之班西掖拜真聊復示舍人之樣斯文增氣有識傾心恭惟某官蓄學醇明挾材鉅麗浸沈醲郁蓋下逮於莊騷雅健雄深無足多之崔蔡盡兼兩制已四三年號令鼓舞風雷亦云多矣獻納司存雨露莫若專之濃薰班馬之香高振綺園之翼有倖用儒之效會當秉國



之鈞其假守魚鳧阻陪燕雀碧梧幕府幸稍安雪外  
之城紅藥主人倘或念天涯之客

賀除中書舍人啓

宋李

劉代董  
制置

中宸渙號內史升賢三神在海上之山久勤攝領一  
佛出人間之世遂見真除綸綍甫光紳綬胥慶恭惟  
某官材猷膚碩學術醇深探周情孔思之微淵源千  
載發宋艷班香之秘膾炙四方親結龍辰之知聿新  
鳳閣之樣辭達而已矣要必見聖人之情才難不其  
然蓋欲極天下之選得若爲重緯國以文好對紫微  
草尺書而招贊普却登黃閣提一筆以福蒼生其聳  
聽除音阻陪賀履千門柳色誰憐芻狗之陳人萬里  
草堂遙想槐龍之新影

賀鄒中書啓

宋黃 中

申頒鳳詔趣占鰲頭西掖掄材榮哉一佛之出世東  
朝輔德賢於四人之從遊虛負以須近比所罕竊惟  
中書造命之地與夫元良論道之官必深厚訓辭足  
以助風雷之鼓舞端方行誼足以正朝廷之起居非  
簡厥修曷兼茲選今得當世揮翰之妙手曾是曩時  
執經之舊人肆疏疊組之榮大愜垂紳之論恭惟某  
官名推寡二識造函三操履無瑕如大玉夷玉之粹



文章有體若黃鍾應鍾之和識者嘆其有前輩之風  
望而知其為遠到之器蚤遊蓬館徧歷筭班不於群  
枉以少卑乃向急流而勇退竹符歛惠聊為八境之  
遊英蕩觀風旋佩六條之寄稽其所至昭哉可書公  
心雖無中外之殊輿議則有淹翔之恨屬庶政更張  
之日正群髦列布之時匪伊旋魁尚淹玉節綠綈方  
底四輩載馳紫微青官一朝並命上聖虚心於常寧  
群公企足於脩門將大任斯在此行矣某頃以客見  
頗蒙心期嘉其銜袖之文真知音者報以褒袞之寵  
若敵已然觀古人待士之勤蓋今日如公者少勇去  
師門之遠可堪客路之艱舉世悠悠若為道合壯懷  
炯炯端向誰開歛聆命召以來歸始且喜深而欲舞  
敢馳赤牘試問大鈞進遽伯玉而退子瑕已聆感事  
舍皇甫湜而取居易敢有妄心但溪南衙之正朝願  
留東閣以觀士倦倦有禱縷縷奚殫

賀聶舍人啓

宋真德秀

恭審龍墀疏渥螭陛陞華記乘輿言動之微有嚴載  
筆察臺省事機之要兼賴舉綱成命一頒歡聲四浹  
伏惟某官崑鳳上瑞注驥名流學探古今百里之傳  
智料天地萬物之變粵登宰旅久贊王明善化翕然



更張威令為之振肅果被凝旒之眷音膺汗簡之司  
君舉必書風采采增於柱下朕志先定姓名已覆於  
甌中某聳聽除音幾欲舞手屬阻將輸之寄莫與鳧  
趨敬修固陋之辭用伸燕賀

賀吳中翰啓

宋楊萬里

楓宸渙號玉書聳四海之瞻薇省并華奎畫動九重  
之音螭坳出色鷄樹蜚聲恭惟某官手握王綸口含  
天語漢廷視草宣鳳藻以騰文唐室制麻潤龍縑而  
動色紫荷挈處光搖萬笋之班紅藥翻時香入五花  
之判繪天模地超司馬蘭陵浮馨鏤玉雕金軼令狐  
芝函發采訓言溫厚崔元翰有典詰遺風詞旨豐腴  
許景先得中和雅意進躋左戚密侍前旒某智乏挈  
瓶藝羞刻篆一行作吏改面孔以向人五斗折腰集  
頭塵于懷刺幾欲棄汝南之諾何能脫冀北之群仰  
藉鴻慈遙將燕賀所願摘華鼇禁紅雲案近玉皇染  
翰虎門白日簾移金管

賀張府判陞秘閣啓

宋李廷忠

望蓬萊五雲之氣來作端寮謀彭澤三徑之資願為  
下走拜履絢而弗遠奏函牘以宜先恭惟某官王闕  
崢嶸人流瓌璋以世勲之後不充詘於富貴於吏政



之暇能茹涵於古今帝曰賢哉國之福也啓脩程於  
千里之坂寓邃直於群仙之廬七葉在漢而珥貂遐  
想凌煙之像四年為齊之別駕藹聞清水之名克紹  
故家允歸名胃眷是股肱之郡全資羽翼之英今守  
昔賢既平分於風月南樓北檻還盡有於江山聞中  
書堂已登其姓名豈外司馬可淹於步武竚聆吉語  
進襲真封其鈍不可磨弱惟自植藻宮獨冷初無根  
柢之容忝谷成暄誤得吹噓之力脫之七選試以一  
同雖閭閻細故之粗諳而綱紀久頽而難振惟不以  
小文而見責尚庶幾末技之可施幸遇清明之天能  
為孤拙之地敢因始事自取隆知上而邦國之不空  
已諠歌詠下則田疇之甚辟當竭撫摩厥志惟勤有  
言莫既

一 身困於賢依伏念濟絕氣命為神樂起價死若  
號曰良醫自頃常奉緒言勿行中志朕將項實野任  
弘辭今則阮路世其新歡結履半衣夜哭馬桂辰今  
一 爰徘徊立門深重致情謝次上片是必伏以某官



忍凌煙之後四年壽齊之別... 故家允歸名曾春... 賢既平分於風月南樓北... 登已合其姓名豈外司馬... 言莫我公成... 日齒相和不限田... 盈底世之... 故車自相... 土而... 之不容

上中書

上裴舍人啓

唐温庭筠

其自東道無依南風不競如擠井谷若泛滄溟莫知  
接足之方不識棲身之所孫嵩百口繫以存亡王尊  
一身困於賢佞伏念濟絕氣者命為神藥起僵屍者  
號曰良醫自頃常奉緒言每行中慮猥將瑣質貯在  
弘矜今則阮路興悲商歌結恨牛衣夜哭馬柱晨吟  
一笈徘徊九門深阻敢持幽款上訴隆私伏以其官  
法上聖之規行古入之道俯敦中外不陋幽沈迹在  
層霄足有排虛之計身居大艸寧無拯溺之方伏在



庭除希聞警欬

上蕭舍人啓

唐羅隱

某聞孫登之獎稽康醜茂之逢叔向蓋亦仙凡自隔  
豈惟流品相懸雖三秀靈華終難苟得而一言輝發  
因此相期曷嘗不仰企前修追懷逸躅豈期陋質偶  
編貞規某器等斗筭居惟嶺嶠徒然折簡非孔門之  
詞率爾中科忝劉繇之第頃因同籍遂及論交竊示  
衷言奉揚嚴旨張司空汲引先及陸機楊丞相銓衡  
竟遺劉炫實亦義同得祿榮甚登門伏以某官川瀆  
降靈星辰効祉所冀陶鈞之日不忘簪屨之餘報不  
先期竊比齊門座客情非自外欲為顧氏家丞徒自  
捐軀安能報德

上杜舍人啓

唐李商隱

某聞物乘其勢則蓬汜盡塗才戾於時則荷戈入棘  
必由賢達之門乃是坦夷之逕是以陸機行止惟繫  
張華孔闔文章先授謝朓遂得名高洛下價重江南  
惟彼歸蕙同於拾芥某弱齡有志中歲多虞模孝綽  
之辭方成牋奏竊伸任之論始解言談猶恨日用殊  
多天機素少揆牛涔於巨浸持蟻垤於維嵩曾是自  
強雅非知量李郢秀奉揚仁旨竊昧昌言豈知沈約



扇中猶題拙句孫賓車上欲引凡姿進不自期榮非  
始望今者末塗怙悵羈宦蕭條陋容須託於媒揚沉  
滯宜蠲於醫緩亦嘗懷鉛信史鼓篋遺文頗知甄藻  
之規粗達顯微之趣儻使閣中撰述試傳名臣樓上  
妍媸暫陪諸隸微迴木鐸便是雲梯散露誠情輒干  
牆仞

上吳中書啓

明黃汝亨

披雲漢之天章夙見舍人之樣勒山林之俗駕來瞻  
學士之真極知大匠之門難飾小夫之牘顧無藉手  
輒用引吭恭惟某官學冠儒纓道航聖牘周情孔思  
心傳先聖之不傳宋艷班香文到古人之未到鑿混  
沌之手煉成五色石以補天奪造化之機飛上廣寒  
宮而修月襟度悠悠不俗文章字字有香頃受華綸  
浮膺清秩玉堂草罷又吟紅藥之翻金匱絀餘還作  
紫薇之伴彼智效一官而不足此身兼數器而有餘  
人望一條之冰其容已肅公傍九霄之月所樂不存



固知木天視草之仙行作金鼎調元之相其菰蘆末  
品蓬藿卑飛聳聞天上除音竟阻廣寒賀悃仰太山  
北斗之望方傾心金馬之門賦雪車冰柱之詩更馳  
念玉川之句

通留舍人啓

宋王邁

挾策兔園早誦詞場之製橫經麟序晚依相閣之華  
半生企峻於雲霄不日挹清於冰玉語心自賀狂贊  
為容敬惟其官以尊主庇民為已任以通今博古為  
儒宗文人才士各有偏長鮮兼十體之美大科異等  
已為難事况出三台之門方在青春備儀華貫鑿坡  
揮翰非他學士之可言螭陛濡毫有古良史之遺直  
片語不合勇去莫留行吟康樂之池塘選勝鬱孤之  
臺謝大節固足起庸夫之懦高名亦能來群兒之讒



壯歲風雲如豪鷹俊鶻之直上中年泉石與曉猿夜  
鶴以相從逃名而名自歸遯世而世莫捨切窺大賢  
之出處以卜世道之汗隆深刻堅珉揭諸葛出師之  
一表短章大韻有杜陵戀闕之丹心今日幸公道之  
漸開諸賢多卽家而起用伏念某樣不入時癖惟嗜  
古學類醯雞之在甕仕如鮎魚之上竿帝城風月之  
無邊方思替畫宦海波濤之叵測噴有煩言不能追  
誓墓之風聊復草問鈞之賦竭來倚席寒甚無羶所  
幸鴻儒之可師一洗鯁生之陋習聆函丈前之教誨  
以淑諸生備夾袋內之姓名敢期他日

謝中書

謝崔舍人啓

唐羅隱

某鑿氷伎短緣木計踈去年舍人俯念窮迷猥垂慰  
薦竟以梁危易折氣俗難醫負塵尾之高譚因龍津  
之駭浪雖懷感激長抱憂慙今月八日見某官伏知  
德水迴波重霑涸鮒靈丹減粒已救傷虵當谷鸞刷  
羽之秋是海鷺窺梁之日豈謂舍人未容祈禱遽賜  
保明樹立孤株栽培弱蔓跪聽而淚霑胸臆仰承而  
背負丘山而况俗漸輕訛時交勢利或朝遊夕處或  
貴族華宗至於取事之時與能之際猶須必成桃李



方許扶持若某者跡未及蕭階陳榻之嚴目未覩巢  
閣栖梧之瑞門寒於光逸命薄於黔婁縱饒委曲所  
私其柰纖毫無取必舍人知其殺青廢業二紀于茲  
垂白倚門一生顛望乃施陰德以慰歸心言念徘徊  
不知所處

謝陳中書啓

撰制

宋鄭厚

聖書勉勵二千石晉錫有三彩筆鋪張五色雲巽申  
至再揭帝制之明白取溝木而青黃雖喜而驚以榮  
為懼竊以漢號幾於三代唐文追乎六經觀兩都四  
百餘年循吏之名參四善二十七最治功之課乃知

史氏之實錄皆紀王言之曰俞擅翰墨似相如掌絲  
綸如居易皆極一時之妙選遂成千古之美談昭回  
雲漢之章華麗春秋之袞一介蒙此終身榮之有若  
皓紛曷堪繪飾某壯而不武老矣何能無經術可稱  
况敢比岳牧詞人之用以粟芻為急烏能逃簿書俗  
吏之譏職思其憂功非所計愧一錢太守之水潔繕  
監曷叨少百日制誥之風流錦窠有忝詔季布仍歸  
於東郡以寇恂姑借於穎川猶玷煥章閣之屢遷重  
煩舍人樣之二妙相逢出世一佛如有私我二天昔  
劉莘老入自儀曹有南豐之草誥及許春卿進陞計



職乃岐公之命詞顧某何人辱公鉅筆欲還本來面目嘉與着意形容雖曰素知亦幾過予茲者伏遇某官學有根柢言皆典刑抑抑威儀叶贊秩宗之掌禮傳傳德義又培翼子之貽謀帝特嘉清潤穆肅之詞章人共偉獻納論思之事業編摩信史是非定矣品量人物榮辱繫焉某慚非龔召之蕃宣莫稱常揚之補散只虞齒宿未必意新如糴足湟中擇此詔增漕臣之重若賦歸林下携斯文為野老之誇

謝程中書啓

撰制

宋劉克莊

濫長鳩工適當鴻筆寓河洛圖書之直臬事有光揆  
卿雲黼黻之文綸言甚寵嘗謂至愚之質併加溢美  
之褒歷觀西掖之雄辭無出東坡之巨筆袞鉞一語  
風雷四方凡五采之彰施蓋萬口之傳誦侯利建由  
江左憲臣而進擢范子奇以將作大匠而召還非兩  
制如金石之不刊則二人與草木而俱腐厥今漢詔  
復出蜀珍如某者又息影而深藏忽強顏而浪出孔  
錢負二宜去奚待人言稽康有七不堪懼嬰世患至  
若躡升華序驟以隆名身縻牡駕駒轡之間敕今鳳  
閣鸞臺而下念其江湖流落之久飾以雲漢昭回之  
光昔靈均自言有衆女之余嫉虞翻遺恨無一人之



已知詎意孤生親逢殊獎良由筆端之予奪當不待  
身後而議論公驅馳頓覺於光華舞蹈不知其嗚咽  
茲蓋伏遇某官國之龜玉學者斗山文辭獨行於朝  
廷言議可著之廊廟盛德大業為歌頌其誰宜賸馥  
殘膏被沾丐者多矣綠綈初下皓首尤榮然某親年  
愈高官情亦薄上書而乞骸骨庶幾得竭力於旨甘  
函詔以示子孫焉敢委大惠於草莽

謝洪中書啓

舉自代

宋劉克莊

訪梅東閣嘗陪庾幙之遊起草西垣忽有虞廷之遜  
惟公此舉非僕所堪竊以斯文之衰至於今日而極  
規規制朴類慙作者之風寂寂薇花未識舍人之樣  
方天子屬絲綸於閣下而國人觀袞斧於筆端豈無  
宜為誥之才猥舉不能言之士伏念某少狂自喜晚  
悔莫追謗訾之言盈廷權貴之嗔如屋雪霜質質於  
麥茂以何傷風雨淒淒獨鷄鳴而不已偶際清明之  
始稍留剝落之餘頃隨出塞之旌旗獲侍平山之樽  
俎慕顏淵之附驥寧不思齊歎老子之猶龍居然難  
企而况有累年之離索無一字之于摩王楊在位貢  
禹彈冠雖賴故人之引類裨謀為命子產潤色詎容  
拙者之措辭謂嘗摘艷以薰香欲使運斤而代斲任



章初上傳說皆驚太白眼高固以掃空於海內浩然  
肩聳若為携入於禁中徒感感心恐孤精鑒茲蓋伏  
遇某官金聲而玉振地負而海涵扶綱常於寶慶之  
奏篇判忠佞於端平之諫紙修名嫖節惟斗南之一  
人傑作雄文亦江東之獨步尚引扶於後進力吹送  
於明時而其學既荒蕪材尤衰落惟勉平生之大節  
妄希執事之餘風非復少年啓夕秀於未振庶幾它  
日知寒松之後凋

謝內翰啓

宋人

來自遠方驟參要局知其愛閑而多病故為前俗更  
之塵勇於悼屈而衰窮故使汗清流之末繫禁近吹  
噓之過蒙廟堂選拔之優俯仰以思媿懼交至伏念  
某歲月供簿領之勞衣食奪山林之志窮雖已甚狂  
不自懲性本懦孱輒妄希於骨體仕由資蔭乃深惡  
於膏梁坐此湮阨而莫收未忍依違而少貶比遊輦  
轂久困氛埃望見車騎之雍容傳誦文章之閎麗不  
勝慕嚮求備使令門墻纔許其一登聲價已增於十  
倍夫富貴外物惟事賢可謂至榮父子雖親然相知  
猶或不盡曾是踈遠至孤之迹又無壞奇可喜之能  
不自省其何繇乃遽叨於斯遇非常之幸從古罕聞



此蓋伏遇某官行著四方之防範文專一代之統盟  
勤於教人務傳聖師之道廣於求士用報睿主之知  
豈謂孤生亦蒙至意稱於天下曰知已誰復間然雖  
使古人而復生未易當此惟誓堅於名節庶不辱於  
恩私

謝余中書啓舉自代

宋劉克莊

塞垣草檄嘗論管鮑之交禁掖演綸忽有夔龍之遜  
本朝之大詔令聿新當世之觀瞻天子用老舍人一  
洗斯文之卑陋所謂當仁而不讓夫何有大而能謙  
擬非其倫或得以議某粵從少日辱在下風邊地苦

寒共被聽蕪城之柝江風甚惡聯鞍登瓜步之舟始  
欣鵬鷁之偶同俄歎龍猪之相遠况記室文疎於書  
札乃公車忽上其姓名豈嘗就梓匠之規欲使代玉  
人之琢行人子羽東里子產仰辭令之獨工翰林主  
人子墨客卿必才名之相埒乃若蹇蹄非汗血之駿  
宿瘤異捧心之妍茲蓋伏遇某官文根義理學泝本  
源謀國事瞭若著龜愛人才過於珠璧謂拔茅而進  
適君子之道亨儻伐木不歌恐友朋之義缺因同袍  
之一念借華袞之片言而某舊聞既荒新意絕少立  
馬揮制難希作者之餘風附驥顯名徒有平生之壯



志

謝中書洪舍人啓

陸金陵帥

宋周必大

代闡

一麾出守方便道以之官十國為連復茂恩而易鎮  
惟金陵之奧壤實江表之名藩人物浩繁蓋南北要  
衝之地江山佳麗號古今形勢之區孰謂孤蹤可司  
留鑰此蓋伏遇某官家傳勁節名冠殊科演誥西垣  
全天地中和之氣宣猷右府助聖神道德之威爰於  
獻納之餘借以揄揚之助肆容異寵渥及非才殿天  
子之邦既仰塵於任使在諸侯之選願追繼於循良

回答中書

答彭舍人啓

進士中書可采  
用亦是一體

宋蘇軾

伏審顯膺宸命進直掖垣除日播騰輿情欣屬切以  
憲臺省闈無預於文詞儒館學宮不關於政理惟此  
六押之任要須二者之長非該通經術則不足以代  
王言非曉達吏方則不足以分省事是為文士之極  
任豈止時人之美談果有真才來膺妙選伏惟某官  
道師古始識造精微學窮游夏之淵源文列馬班之  
伯仲自期甚厚所得實多粵從言動之司亟掌絲綸  
之美璠璵美質豈獨一時宗廟之華杞梓異材固為



後日棟梁之用某備員法從竊庇餘光聊陳輿誦之言少答函封之辱

答喬舍人啓

宋蘇軾

人才以智術為後而以識度為先文章以華采為末而以體用為本國之將興也貴其本而賤其末道之將廢也取其後而棄其先用舍之間安危攸寄伏惟某官名重儒林才為國器深厚爾雅非近世之時文直諒多聞蓋古人之益友代言未幾華國著稱豈惟臺省之光抑亦邦家之慶過蒙䟽示深服撫謙顧慙衰病之餘莫究欣承之意

答慈谿張中翰啓

居憂賜書問

明許以忠

職掌絲綸六合仰代天之績留心桑梓一函施守土之榮報欲倩夫雀銜懷益殷於蟻慕恭惟某官海上仙槎斗邊神劍平子稱六經鼓吹偉矣家傳九齡為一代詞宗裊然世美蚤登華選出輔明興從學士以聯班為舍人而展樣鳳池漆翰波流御墨之香齏禁擄詞句奪奎躔之秀德音盡播恩眷常隆紫薇對日以翻堦清賞方遊中秘護草殞霜而墜地悲號遂切北堂暫投讀禮之間佇懋調元之化自揣俗員謬分仙郡易稱負乘竊名器於非宜詩刺在梁愧朝裳於



弗稱憑式曲江之故里欲分東壁之餘光未獲投忱  
乃承嘉惠翰來心感袞褒竄一字之榮書去神隨章  
報乏七襄之美薄言附謝厚冀鑒存

行人部

賀行人初授

賀王行人啓

明喻世卿代

四乘首馳六轡獨攬今日擁旌旄纔識劉郎之面他  
年建使節久問終生之名萬里前程始自足下一介  
行李告於寡君恭惟其官學純以粹氣大而剛皇華  
諮周之詩少勤諷詠當道澄清之志蚤見施行自登  
名于龍虎輒騁軌于驂騑蓋惟辯於辭而習於禮豈  
至朝受命而夕飲冰布漢使絕域之威國有人矣上  
虞廷來王之戒帝其俞哉四境采風謠無如潘孟陽



酣綠蟻于山寺九門思諫諍有若范文正進烏草于  
後宮使星芒動人間已兆福臨漢月光垂塞外應知  
春到玉節金函夙著光華之重望銀臺繡斧聳觀彈  
壓之殊勛某碌碌因人競競守已操刀試割愧俗吏  
之約結無竒負弩先驅仰大使之指麾素定慶同榜  
之得人為朝廷而增重永言頌賀罔既悰私

上行人

上行人譚公格 考滿

明徐榛

雅望久欽夙注樞趨之想台光伊邇用懷依毗之悰  
敬介郵儀薄言展賀恭惟某官仙標上品玉筍名流  
三峽詞源筆底波迴粵海千尋壁立胸中氣壓羅浮  
歲蕤紅杏之英焜燿皇華之選寶刀吐鏑身隨王事  
馳驅銅馬飛靈口代天言出入香生棗里寵結楓宸  
某技謝蟲雕職同蚤負三年側救幸逃訶譴之加一  
日考成實藉梓桑之庇敢憑介使僭達微忱贊欲無  
能佩銜何既



通彭大行紫岳啓

明方從相代陳

麗象開圖奕奕使星分明宏才通藉駢駢牡駕揚輝  
 萬里遙瞻五雲高庇恭惟某官寰中間氣嶺表卓英  
 四千仞羅浮未足方其峻拔九萬程霄漢庶可稱其  
 飛搏器稱清廟之珍虞敦殷璉道當名世之運麟瑞  
 鳳祥朝聘會同周禮大行所掌咨詢諏度王人采察  
 攸先爰自聯捷詞宗膺此皇華妙選觀書署裏緗篇  
 侈金石之藏作賦輅中彩筆獲江山之助綜博何殊  
 季札古樂能評修飾未羨孫揮國命纔給手持黃紙  
 灑雨露於華夷口對彤墀狀凋傷於採樵何但署郎  
 領袖實占臺省風裁某忝佐虎符久羈鶉嶠幸接高  
 賢之里長歌大國之風比及三年祗規規而守拙儉  
 於百里且碌碌以無奇荷庇已多沾榮非淺披雲有  
 待就日方殷想博望之泛槎河源可遡同李邵之候  
 館益部先知謹勒奏記以自通深懼握芹而為獻伏  
 祈台度俯賜淵涵



源台斐前照照照

論益滄去味藟燁奏信以自戩彩對對我而為精  
對掠日之類賦對望之安對何賦何賦同李和之刻  
於百里且和氣以無音益孤日多出榮非炎對雲  
習之里吳湘大國之風出又三羊楚賦賦而守出愈  
餘師實古專管風楚其泰式表將久編蘇利幸對高

候行人

候林行人啓

明王焯

使華光落載聯堂陸之交簡命方新爰肅官寮之望  
清議久而後定精鏐煉且益堅衛士歡呼儒紳吐氣  
恭惟某官攀躋日月噴薄風雲霏霏微微占天上清  
都之籍奇奇怪怪讀人間未見之書文芒與北斗爭  
寒花飛片楮襟度與西山競爽秀挺雙眉聲華擅閩  
會之奇掃青天而爛明月吏治逗瀟湘之浦驅酷暑  
而歌來陰為龍為光驂翔萬仞漸磐漸陸出入兩都  
啓侶山公甄拔極一時碩士功存軍實謳謌滿六郡



良家雖直道偶違於時乃真明旋復其故故淮上之  
箋暮下而皇華之使且臨劍遇盤根識剗兇斷蛟之  
鏢馬逢險道知過都歷塊之能行將蠹勉新功益隆  
舊問帝恩稠疊斯上士之階資亦大臣之津筏也某  
衡門賤士幸入鈞籠下里巴人時懷藻鑑桃李無言  
徒有樞衣之念芷蘋未荐難伸結襪之忱賜一日而  
九迴心寸絲而百結恭効先驅之義聊徵勸駕之儀  
况夫斗柄初昏辛盤可獻伏覲泰階符運同陽象以  
俱開玉燭功名若蟄龍之爭奮

候桂大行啓

齊哀詔  
入闕

明施德政

曉儀冠劍瞻霄漢之五雲氣爽施輝驅郊原之六轡  
命申重巽名震全坤恭惟某官枝吐却林香標月窟  
一鳴驚衆摘髭俯拾魏科近侍升班策足遂騰要路  
杼才猷于螭陛佇飛簡上之花樹丰采于鷺車丕際  
雲龍之會顧周盛世曰大行人王字燦於日中禮以  
慈告堯言布於天下治以孝成母儀蝕清漢之輝天  
澤脫赭衣之憲星瞻使入風動子來某忝竊型戎多  
慚負乘瞻履絢以嚮往實惕淵冰申芹藻為起石道  
羈海島統祈丙亮不既寅誠



回答行人

答白大行啓

明蔡復一

皇華四牡方傳休汝之遊錦字雙魚遽荷涉江之意  
何當敬梓良憶采蘭恭惟某官情岳抗雲言泉激雪  
九歌日月欲追正則之潔芳一記君民不忘希文之  
憂樂少年已任魁輔宜旭陞以承君天子特遣使臣  
爰輶軒而問俗仰宣恩露俯覽物風名山大川旣收  
羅五色之筆人情政術亦裁訂一部之書進待前席  
之詢允光玄袞藏爲扣閣之草預蓄丹葵豈特誇還  
越之繡衣寵檄巴之弩矢哉鷄林馳價行高長慶詩



名鴻渚歸朝更卜大中相業其才窮拆線智陋挈瓶  
雖幸事大夫之賢祗恐為邦人之累伐檀自訟解佩  
滋慙置水一盂願承任棠之誨識荆萬戶徒鬱李白  
之心

摘使臣雋語

抗旃修聘以遐征騎屋驟觀而太息 王人下視于  
諸侯有嚴天節郎官上應於列宿肯歷土山 田里  
愁恨歎息久已周知貨財本末源流允皆宿講 頃  
進摠甚稱之語蓋在咨詢周爰之初 四牡有功八  
鑾入覲 周原六轡遣以禮負媿皇華衛公八秩相

于朝請賦綠竹 王人不微夙序諸侯之上臣卿雖  
少有光八使之間 乘八月之槎既瞻隨于斗柄回  
二星之部仍典領于參旗 父教之忠敬事每後其  
食君使以禮聞言豈宿于家 但懷璧非匹夫之宜  
受金實使者所忌終軍建節幸畢事于出關陸賈歸  
裝敢効尤于入粵 恩優賓旅義重王人迎勞及郊  
設饗遂具顧臨就館授粢兼加 廉慕布囊後讓紗  
帳







專攻乎此言談罕及其他倘興趣之相關或詩歌之  
互答暫惟游藝慎勿妨効務使學因仕而益優庶幾  
授以政而皆達諸公登要路既能接武乎臯夔小子  
附末塵猶足追蹤乎王貢固所願也尚其圖之

啓雋近體卷七十

類函八十二

東吳俞安期羨長彙編

上饒王嗣經曰常同輯

諸卿部

太常 光祿 建武鄧 羨遠遊訂定

太常

賀太常卿初任

賀商太常卿啓

宋李廷忠

玉書煥寵金掌升班冠柱後之惠文已見朝廷之肅  
司野外之綿蕪益知皇帝之尊恭惟其官總六學之  
要以爲儒秉三代之直而佐主乞麾勇去志則甚高



與節復留睠焉獨厚知公素薄於榮利舍公孰強於  
本根肆圖三禮之清爰進九卿之上刺經作制聚訟  
定儀介珪承雨露之恩華旂增日月之耀一遷即禁  
從固知宗伯之班高四輔惟正人行見冢司之命下  
某夙有榮遇喜聞清除敢緘小夫之詞用信大厦賢

賀鄭太常卿啓

宋王 邁

伏審渙發宸廷晉陞秩典帝曰茲惟師匠入紬金匱  
之書時則有若儒宗無負玉璵之對斯文有慶輿論  
交歡恭惟某官文沛江河忠貫金石大馮君小馮君  
而維兄弟並居宗社之林南鄭相北鄭相而譜世家

豈恃衣冠之盛老聃衍經中五千字小范蘊胸內百  
萬兵親結聖君諗躋宗伯文章宿老寧久法冠禮樂  
清卿有華儒几蓋所謂景星鳳凰之瑞夫豈樂秋天  
鷗鷺之為乃咨秩宗新我頌典常使文物聲名之盛  
無慚太平經制之書上意則然吾道幸甚其出無僅  
馬坐革顛犀招諸生齊魯之間則俎豆聞之矣致吾  
君堯舜之上豈玉帛云乎哉嗣有綸言奚為縣絕

賀陳殿院除太常少卿啓

宋李廷忠

渙敷大號晉陞少常法星懸火旻尊矣朝廷之望卿  
月昇金掌煥焉禮樂之新十日登瞻一詞贊慶恭惟



某官植操孤整受才閎通直道而行以萬乘為知己  
與學有用信六經非空言入裨右轄之司深藹中都  
之譽動搖山嶽之任方振肅於朝儀職典天地之司  
復簡求于時望峻躋九列允屬多聞蒐舉百代之闕  
文粉澤一王之成法凡伯夷降典之治乃周公入相  
之階某假守荒陬阻趨崇仞鵬隨天運莫量搏擊之  
程雀喜宮成庶作震凌之庇

賀婁正言除太常少卿啓

兼中書舍人

宋李廷忠

登冠月聯參司天掖坐東面而設几聿崇禮樂之司

專右席以掌綸併屬文章之伯一時清選四海公言  
恭惟某官居朝廷之達尊履君子之遺直念夷夔之  
典久闕而常揚之誥無聞將以粉澤於皇猷是必淵  
源於古學求諸鷺序得我鴻流野外習奉常之儀昔  
於丞而不負幕中識舍人之樣今既老以宜為爰陞  
九列之班仍裁五色之詔勿謂容臺為閒職毋曰從  
橐非真除三槐位由此徑躋五花判特其游戲當知  
天子待諫臣之意恩獎甚優必使儒者立廟堂之謀  
治平可俟某索居林下絕望日邊聞疏寵之頻煩覺  
垂光於幽隱廐駒之廢復起難忘芻秣之恩堂燕之



去又來疊致悒懔之賀情爲無數言莫能殫

賀太常袁少卿啓 宋方岳

恭審渙恩宸宸晉職容臺命乎一夔甫底和神之績  
容于四岳爰分典秩之司朝有真儒野無異議恭惟  
某官智周萬物忠貫三辰心卽周孔之心曾何求于  
紙上道非堯舜之道不以陳于王前方其發諸詞章  
初無意于科目九萬里而風在下奚計修程三千字  
而日未斜特其餘事出用于世欲行所言溺由已弱  
饑由已饑乘輶而講荒政仁者謂仁智者謂智駐節  
以談聖經頃結明主之知爰擢清卿之任人皆憚汲  
黯此聲在江之東上不見賈生有詔自天而下若曰  
咸五登三欲帝萬世卿其言六爲七作宋一經禮樂  
有光縉紳胥賴某過勤投璧愧乏報瓊倘化民與成  
俗乎儀圖莫助若授業及解惑也切幸自強



谷平謝司真規若對業又翰憑世以幸自靈  
或云謝司真規若對業又翰憑世以幸自靈  
如丘登三塔帝萬世職其官六系子亦來一  
標此德林以之東上不見買三三信自天而可昔日

賀邵公陞太常少卿啓 賀邵 明舒曰敬

鴻猷日麗月卿擅禮樂之宗駿烈星懸亞旅繫公輔  
之望門墻借色縣鄙分輝恭惟某官岷嶽鍾奇錦江  
濯秀抱神虛廓太和諧于天倪植節孤高妙品屹乎  
嶽立冰壺徹鑑朗玉燭于銓曹花紋批霞霓集印于  
仙館職俸宗伯望重容臺班紫禁而典奉常法河列  
署駕赤車而揮緹扇枯梅標華文物歲蕤鞮譯同心  
而式化童翬藻飾毳旃交臂以觀光廷賜孫通之金  
游登中軸殿設桓榮之几尋陟上公某分切在三恩  
銜罔二念存衣鉢同寸草以知懷神遠幃帷盼五雲



而自遠非駿馬而收其骨敢負特知為浮圖而命其  
尖冀終明惠

賀太常少卿啓督四夷館

明劉以聚代

紫垣望重太歸儲相之名赤乘階崇式重貳卿之位  
慶流宗社歡洽華夷恭惟某官斗望高華天才卓越  
看花躍馬英雄爭五百之先司李行聰明允貫三千  
之屬重書下郡榮戟還朝鶴筵近龍光為一人藥石  
鸞翔同鵠立作百辟儀刑蠻夷攝厥聲名天子畏其  
骨鯁爰覘天文而得星使乃賜霓旌而徃月氏生入  
玉門關天顏有喜歸授典興備國帝資無私禮備樂祖

上接夔龍之武夷賓王會載司雕鴻之言清卿行且  
登樞貴秩何須望省此誠光岳億萬年之人瑞而朝  
家二百禩之國華也某忝在輸鄉復叨崇地鏡水桐  
溪濺澤惟知愛爾袞裳玉筥石簪負砥敢謂傳公衣  
鉢顏下吏乃鄉邦後進而明公實先輩典刑敬效蚤  
鳴聊申燕賀一顧之恩有在二天之覆無窮

摘太常雋語

大祝奉禮之攸司正字校書而相埒 惟王有成績  
書于日月之常對納 鴻猷日麗月卿闡禮樂之宗  
駿烈星懸亞旅係公輔之望 識錚辨阮昭博雅之



承家窮道難經肅威儀之蕞野 精誠將裸獻駿奔  
格九廟英靈寅畏潔粢盛對越昭兩郊降鑒 房博  
上軒鏡庖刀靈著神蔡 敷聖善于九重宣法儀于  
百辟 腴潤三雍秉介圭而覲帝昭明五理司緜蕞  
以為卿觀人文而化成陋漢家之楊綰動德容而成  
紀紹姬室之周公 一卷之書必立師矧紹先朝之  
舊學七世之廟可觀德宜登列祖之老臣

賀太常卿壽

賀太常卿王塘南八十壽啓 林下

明林繼志

恭惟門下四朝元老三禮鉅卿北斗名高負笈而從  
者七十士東山望重鑿坯而遁者幾多年桃李成蹊  
松筠耐歲今逢初度乃在新秋白日羲皇高邁二疏  
留漢傳青山洛社遠踰九老賦唐詩其馬走偶羈鳥  
山舊部且上達尊之扁額佇看存問之綸音聞而知  
之五百歲杏壇之脉常春久而視也八千秋桃實之  
期未艾







龍門肅守家聲悅禮敦詩麟趾恪遵庭訓似此治家  
之法移為體國之忠上理何難允升特易某才慚製  
錦素餐莫掩于仙鄉政憚鳴琴戶位寧逃于梓里惟  
仁人察于衆惡火開推轂之門在君子矜其不能常  
塞覆車之路間常入耳定是銘心茲當三載考成恐  
黜幽之難免仰賴二天覆庇或使過之可期惟施恩  
益厚于三台則造福自收于七級捐糜未報沒齒敢  
忘

候太常卿

候倪太常啓

明王兆雲

秩聯九列已高曳履之班望峻三台暫借容臺之寄  
梓桑增色海宇傾心恭惟某官天挺鉅公人推碩彦  
珠衡玉斗渾涵二酉英華洛緯圖經總括萬靈秘密  
胸中謨略人擬為帝者之師心上經綸自任以天下  
之重是以華階薦陟偉績駢臻迺者晉九棘之崇班  
膺五禮之重寄豈直在聲容器數之末業已虛舟楫  
鹽梅之資某里閑後生簿書俗吏勞心撫字媿結約  
而無竒矯首雲霄幸栽培之有賴謹申竿牘之敬用



表葵藿之衷伏願帝眷彌隆天禎誕錫接夔龍之武  
禮樂休明登調燮之尊乾坤清泰

候太常胡少卿啓

明許以忠

秩峻奉常卿月照巖廊之彩勳齊宗伯皇風揚禮樂  
之輝班聯九級以稱尊誠格百神而受享恭惟其官  
仙里秦亭相門安定姿凝冰雪清名常畏人知文焰  
奎婁甲第蚤登魁選爰乘景運大展亨衢赤縣鳴琴  
觀化俱稱茂宰黃門補袞升華遂陟清卿咨四岳而  
分典朕之司禮卑綿壽最命一夔以底和神之績敬秉  
介珪西京獨冠金吾果漢多遷玉鉉爰靈郊廟已徵

至行堂堂執政鈞衡行見勳名赫赫

候項太常啓

明王德

雅念相存舊好祗馮堂與閣瞻顏孔邇新禧敬問清卿  
聊紓麾守之下惊詎答奉常之高誼切惟公生蒼嶺  
人比青田選儒碩于容臺翊典儀于宗伯絳服而佩  
蒼玉誇捉筆賦詩之才玄冕以驅赤車邁爲華錫錦  
之儁晉台衡于指日迓皇眷以無涯其未遂登龍有  
懷鴻庇自知擢髮妄希長者之能寬或肯垂情曲賜  
服官之明誨用馳尺牘遙展寸虔惟是屆此春和調  
天倪以順陽令受茲介福分曦末以矚下隅



候南奉常啓 摘錄

明裴應章

齒旬宣之外吏越在行間瞻禮樂之清卿如遊天上  
 承家經術前後濟美以弓裘許國真心中外注情  
 于柱石階自為郎為牧駿致卿月之高華秩則惟寅  
 惟清獨係世風之窾會出亦巢許以箕穎佐太陽之  
 光處乃伊周以江湖懸魏闕之想名高縣寓牘滿公  
 車九重之聽履方殷四海之瞻岩特重帝曰礪須汝  
 作觀紫綽之新民望袞以公歸復青氈之舊 惟君  
 子登庸于一日將治安永奠乎百年安石其如蒼生  
 何已快東山之小草司馬復升黃閣矣行持北 極之大鈞

謝太常

謝王麟洲太常啓 撰詩序

明林世吉

聖代儒宗望夙隆于作楫衡門下士誼忝附于通家  
 念久別于門墻長具瞻乎山斗茲緣雕蟲小技偶結  
 白社以尋盟斥鷃微軀敢冀附青雲于不朽迺許子  
 襲宋人寶燕石之見謬取登門而張生忘楊雄覆醬  
 瓠之譏妄求弁首顧謂今時作者實惟東海之儒宗  
 乃具素書庸甲丹懇冀駘駘立市或逢伯樂以增榮  
 于湛埋塵倘遇張華而耀景猥蒙台允俯順下情采  
 葑非以無遺錫珠璣而不靳藻思倚馬神超袁虎之



才彩筆生花秀奪江淹之句頒從霄漢傳及蓬茅字  
聯圭璧以騰暉詞映煙雲而絢彩遂俾山靈吐氣豈  
特爲下里之光且令藝苑流聲倘或增南閩之重某  
學慚刻鵠枝愧屠龍念遊書圃以蹉跎每望詞場而  
企竦開函雀躍捧琬琰以顏開展卷霞飛覩踪璜而  
眼眩賞音竊歎同調均歡第愧被羊質以虎皮循躬  
有懼混蛇珠以魚目揣分奚堪實慶幸于三坐合銘  
鏤于五內惠而好我敢忘瓌玖之投中心藏之願效  
玉環之報

回答太常

答項少常啓

明王德乾代張太常

蚤負方殷備上公之桑梓龍登未展采下體之菲葑  
灑筆宣心發緘流汗恭惟某官先大夫貽謀令德慶  
衍西明聖天子夢賚賢臣眷申清閣撫字曾煩數四  
蓋熟試夫循良弼違何啻再三因晉加之常貳容署  
預聞忠鯁秩宗方奠威儀彼藏書魯公不若寘于左  
右乃輯檻漢后何如列以公卿可知北闕之深需寧  
許東山之思乞某一自華亭瞻斗羨縱橫妙用之才  
繼隨青瑣使星歛慷慨敢言之氣幸微生而得御衿



卷七十一  
麾守以相存墨札淋漓感高情之肯問瓊投鄭重慚  
寸答之難伸復念體不勝衣迎送疲于孔道才如短  
線拊摩拙于窮簷仰仗典型俯勤規指

屬官

賀妻太常丞啓

宋李廷忠

清禁踈恩奉常列職禮云禮云豈專於用玉帛丞哉  
丞哉非止乎行文書必賴通明道德之儒乃能洽暢  
神祇之意恭惟某官學傳聖後才出人先胸中藏三  
萬軸之遺言筆下寫五十絃之古調圓冠特立孰云  
魯國之多儒壽杖給扶未許漢庭之用少來登鷺序  
能進鯁言秘府仰賢望之高善堂得師資之益結知  
宸宸擢贊容臺訪黃鐘而衆樂和已洽聞於議論轉  
洪鈞而入荒壽行大究於施爲某倦作西遊幸嘗北



百曲借齒牙之助遂令羽翮之生忽聞顯除頓使儒  
立或弟子為博士久切依歸起客館延賢人終煩料  
理其為開懌莫罄占陳

賀交代陳太丞啓

宋陸游

撫銅人而歎息方感舊遊拾竹馬之棄遺偶叨新命  
曾馳書之未暇愧飛翰之昇來恭惟某官鴻漸賢關  
鳳儀朝著傑作紀永和之會邈矣風流清言繼正始  
之音超然名勝初叱乘輅之馭已勤側席之思峻陟  
容臺寢階清禁某自憐末路獲踵後塵君遣使而有  
光華即載驅於原野匠誨人而以規矩尚竊望於門

賀太常程博士啓

宋方

伏審擢從學省峻立頌臺八索九丘之書既重講席  
五禮六樂之教其佐秩宗均為極儒者之宗所謂妙  
天下之選某屬聞誨範欣覩除編夙夜寅清尚借藩  
房之重日月猷納有開禁橐之華於穆緒言等幾

上太常房博士啓

唐羅隱

某聞孫陽以一顧之恩騏驥不為駑馬宣父以一言  
之重夷齊不作餓夫苟吾道之未忘諒斯人而何遠  
某也藝薪就學闕市成功偶不自量因思妄動捨五  
湖之高蹈事九陌之窮遊為良工不度之才為要路



不容之物所以嵇康奏樂忿魑魅以爭光劉子營生  
奈鬼神之相笑那官不幸一至於斯恭惟咸通之初  
大中之末故荆南余正字以博士為軒鏡庖刀今渭  
北徐端公以博士為靈著神蔡但言薄伎合在殊私  
其後某則困躓於龍津博士則徊翔於鵷侶雖心祈  
日禱不忘斯須而天上人間憑何訊問寧知此口屬  
在明恩豈一旅人之遭遇有時而二作者之語言斯  
中永為負荷適足憂慚况復風訛俗敗之初轍亂旗  
奔之際講學則衛刀削樹論文則羸火燒人家家無  
相保之心處處有自媒之口而博士獨持大旆高坐

危城招既散之師徒復已下之土地顧茲隆替尤屬  
尊嚴某也雖賦命以多奇或因入而成事願將所贊  
以賀明時

回趙太社啓即今博士

宋李回劉代

龙司太社贊治奉常舍文字旁午之勞共夙夜惟寅  
之命恭惟某官九苞威鳳千里名駒毅然料虎之鬚  
樂只跋狼之尾徑從禮樂之英入司籩豆之事雖雖  
肅肅何熈三百日之齋親親賢賢行有十六相之舉  
某未遑旅賀先辱臨存繒綠綺琴愧不辨南金之報  
植青藜杖滿期校東壁之書



肅肅可憐三百日之齋縣縣賀賀行育十六府之舉  
樂只如斯之享對於野樂之英人同慶豆之車繼繼  
之命恭對其官大荷鳳千里各隨楚楚林表之靈  
本同太極贊以奉常會文字庚午之榮共夙交對寅  
回缺太極贊謝士  
以賢相報宋李

光祿部

賀光祿卿初任

賀方伯淳寰劉公晉南光祿啓

明曾同亨

恭惟其官家傳正學世仰弘才玉潔水清之操嶽峙  
淵涵之器中外敷歷茂著膚功南北驅馳益隆期望  
茲者榮膺寵命晉陟勳卿三晉禮樂名區夙資屏翰  
陪京根本重地偶借儀刑驥足詎久淹於周南鸞諧  
且疊頒於闕下出則建牙開府入而論道名邦行圖  
姓字於麟閣暫假吟咏於鳳臺自莊靖以左使奏名



還朝再見今日蓋廬陵之大僚屈指虛席幾及百年  
事固非常時如有待梧州餘慶預知嗣胤之爲卿爲  
公定國陰功自是榮名之如携如取鄉閭增色紳珮  
騰歡某猥辱通家謬厠知己蚤賴蓬麻之益晚聯瓜  
葛之媼聞盛事而欣躍逾常望前驅而瞻依倍切恭  
陳尺素聊展寸衷

賀吳光祿啓

明游之光

恭惟某官藝鶴名家簪纓甲族正氣特鍾橋梓宏才  
允作棟梁著屐東山出處安危所繫賜環北闕淳澆  
世道攸關新恩特旨勳階峻秩驟升祿膺星厨宰膳

三登展揚解之忠月寺官際六進試調羹之手開鳴  
廳于左个設鼈榻于西華青鞵疏榮彤闈渥眷某粉  
榆下士槐桂通家從邸報獲親榮除藉郵筒敢申鄙  
賀



賀光祿子登科

賀吳光祿乃孫中式啓

明楊漣

槐庭植德久徵麟趾之祥玉樹揚芬高掇鵠頭之選  
 福關國祚慶衍家聲恭惟某官奕世簪纓清時柱石  
 孤標岳峙廉貞軼俊義而前理學淵源品望在古人  
 之上道如矢亦復如砥能為方不能為圓自汾陰之  
 直節相傳為國禎幹乃柱下之道德彌峻作世楷模  
 澤永慶餘榮新胤嗣步蓬瀛而叫閭閣獨收海上之  
 鰲抉雲漢而搏扶搖翥河東之鳳自是國多闕闕  
 邁韋平父子之榮豈止家有箕裘僅繼董晁天人之



對其幸託帡幪欣逢勝事驚毛薄效鳧足遠勤伏願  
父子祖孫峻起承天之柱朽株散木永依幃日之輝

賀崔光祿世興子入監啓 明費 宋

恭詵賢郎夙成粹學榮膺蔭典早入賢科聽伯夔胄  
子之歌立韓愈諸生之館雖延賞恩優乎世祿亦達  
材地便於師承多識前言實禮樂詩書之府盡友善  
士惟東西南北之人爽競金蘭班聯玉笋雖處囊而  
出珍待價以沽外祖外孫在國老擬成宅相是父是  
子於家君撞破煙樓素辱交知良深慶願聊陳燕賀  
并致鶴書幸開容駟之門莫拒登龍之客

上光祿卿

上光祿卿吳安節啓 求保 全

明陳基虞

恭惟其宮精神龍馬類萃鳳鸞昂首長衢駒並千金  
之貴覽輝千仞毛皆五色之奇載追原隰之踪澤流  
地軸翻繹臺端之議力補天闔臣節本乎性成心印  
衍傳家之寶賢象得之天合忠猷增奕世之光是宜  
踐勲祿之崇班大作蒼生霖雨行且副鼎鉉之重任  
先聲調燮鹽梅聳塵壚以具瞻望槐階而濟美某因  
緣令子忝竊年家廿載淹沈厚玷金蘭之藉半生軼  
軻初分銅虎之符任當繕缺圉而撫凋殘跡似投窮



荒而禦魑魅披荆撥瘴方圖計日之功仰梓瞻橋遠  
冀連雲之蔭比兒猶子自揣匪伊異人叔兮伯兮其  
或憐而急我倘逃愆于六察實銜報于千秋薰牘嗚  
丹流芹表素

回答光祿

回李順衡光祿啓

明萬世德

馬希增價已叨一顧之光燕賀有依又徃百朋之賜  
雖君子愛人之無已而小人報德以何裨恭惟某官  
直節擎天壯猷敷地向見韋仁約誰不凜然今有管  
夷吾吾無憂也且也傾心下士每爲刻意憐才以天  
下之憂爲己憂蕪於自任收他人之有爲我有不憚  
敷揚以故菲葑之下材乃荷艱難之重任衆多推轂  
胥從薦寵之臨君實轉鈞獨握鑪錘之柄以茲圖報  
豈在涓埃乃荷不遺竟勞有賜承筐承筐已充窮海



之谷虛載玄載黃遂侈波臣之廷實損朱提而鏤器  
出皂隸以分章過期至飲之動益渙加冠之飾敢不  
勉承其三錫惟是自矢夫寸長之屏已幸希恩  
於萑葦克威克愛行圖定價於松橋肅致謝函難申  
感臆

光祿屬官附

回周監酒啓

宋李 劉

叨恩試郡正懼曠瘵聯事為僚幸逢名勝愧陳箋之  
不敏辱垂問之相先伏惟某官抱負恢宏典刑膚碩  
暫屈糟丘之隱小試清醇諒知酒誥之篇益加醲郁  
佇階騰踏卽踐高華某老矣倦游冒焉遠戍對北海  
而促私釀免俗未能交公瑾如飲醇醪同寅是望其  
為傾僎罔旣敷陳

回江監酒啓

宋李 劉

名門諸彥夙欣投分之多計幕一時茲有為寮之幸



欲修辭而不敏愧報訊之相先恭惟某官材本家傳  
美由世濟英辭倚馬秀子弟芝蘭之階喜色乘龍隱  
王孫芙蓉之褥尚何事麴蘖之託居然管糟粕之餘  
郎君可是筦庫人聊復爾耳碧香竊比王家釀將有  
望焉苟無平原督郵之嘲會博涼州刺史之任某自  
安飲水敢望啜醢交公瑾如醇醪將從今始爲穆生  
設醴酒幸勿我忘

回新榮州家監酒啓

宋李 劉

乏蒲萄之博郡既竭吾才累糟粕以築臺徒得君重  
顧念步兵隱嗣宗之職何勤天王使家父之來恭惟

某官業精于勤學優則仕族庖之刀有餘刃爭自致  
於功名良弓之子必爲其諒夙精于詩禮少時嘗讀  
醉鄉記郎君可是管庫人惟此三榮之窮仰於一醉  
之富旨且多多且去當辨聖賢私勝公公勝私在權  
子母惟尊不空而客常滿則人皆醉而我獨醒引勝  
地於一杯趣朝天於三斗某啜醢何有罰耐是憂爾  
來三月實無鹽不堪寡助破除萬事何過酒切幸驅

回李監酒啓

宋李 劉

元辛之號重光天回西顧剛卯之稱單闕日麗東迎  
亨在泰通祥因履考恭惟某官清材簇達懿識規圖



蒼壁絕瑕彌舜且評之望青旗簇仗行登元會之班  
諒對於苑顧免之交益介食蛤踞龜之壽某尚稽賀  
贖過辱頌言尚可歸田正有望土牛之送不堪立仗  
詎肯希櫪馬之喧

世傳類四卷七十



